



安徽通志

ル 5
1575
73



1678
73

重修安徽通志卷二百十八

人物志

儒林一

仁宗睿皇帝時三省教匪平衍聖公孔慶鎔上疏入賀

仁宗手詔褒答曰願卿昌明正學正學明邪說自熄大哉

皇言正學者孔子之學而漢唐宋儒衍之以扶植禮教者也溯自嬴氏

焚書典禮蕩盡賴漢儒起而救之遷固所以創述儒林魏晉六

朝清言詖辭淫於佛老賴唐儒韓愈闢其謬而起其衰至於五

季壞亂極矣賴宋諸儒出而昌明之故宋史判道學儒林為二

以明伊雒淵源上承洙泗儒宗統緒莫正於是所關於世道人

心甚鉅明初諸儒皆朱子門人之支流餘裔師承有自矩矱秩

然嘉隆而後篤信程朱不遷異說者無幾人亦未聞有專門經



訓名家者明史所謂科舉盛而儒術微殆其然乎我

國家

聖

聖相承崇儒重道以昌明正學望諸儒生徽國為朱子之鄉大江南北
真儒接踵前賢往矣其流風餘韻猶有存者述人物志儒林傳

安慶府

宋朱翌字仲新舒州潛人漢桐鄉嗇夫邑之後以太學生賜第
初為溧水簿高宗南渡為秘書監屬預修徽宗實錄時范冲領
史局翌刪潤功居多秦檜逐趙鼎以鼎黨貶韶州倡明理學粵
東化之在韶十九年召還遂卜居鄞嘗作信天緣堂記周必大
論其詩似杜牧之而出處亦相類號省事老人文集四十四卷

浙江通志 萬姓統譜

按江南通志以朱翌為廬江舒人今從四庫全書提要萬姓

統譜作舒州人

吳棫字才老舒州同安人韻補徐戴序及王宣和六年第進士

召試館職不就紹興中為太常丞以為孟仁仲草表忤秦檜通

判泉州所著有書裨傳毛詩補音論語續解考異說例楚辭釋

音韻補四庫全書目錄 宋史藝文志 懷甯縣志 新摺

方聞一舒州人淳熙中為郡博士時溫陵曾種守舒州命聞一

輯成大易粹言十卷所采二程子張子楊時游酢郭忠孝及曾

種師郭雍七家之說今忠孝之書不傳賴是書以存也宋藝文

志及朱彝尊經義考誤為曾種作故聞一之名不顯四庫全書提要

按安慶府志懷甯縣志俱不載今賴四庫全書攷是書之序

而知為聞一作顯晦固有時也舊志

嚴敬字莊人宿松人事母以孝稱朱子在松敬以禮謁同至白鹿洞講易反覆詢之自是益有所得歸著敬心銘卒年八十七

安慶府志

郝傑字元英宿松人南渡後江北多警傑奉檄從軍不得志聞朱子在松急歸求見遇於新安嶺上欲然心折遂私淑於門人受學著策百篇惜年未三十卒

安慶府志

元王幼學字行卿望江人生於宋季幼罹兵禍俘掠至河南陳氏養以為子乃命之學勤苦博覽業遂大進元至元閒歸望江耕慈湖之阪講道不輟所著有通鑑綱目集覽始於大德己亥迄於延祐戊午積二十年七易稿而編始成卒年九十三

幼學自序

江南通志

方用字希才望江人少負逸才與揭傒斯朱公遷歐陽圭齋同

游於許謙之門以羽翼斯文相砥礪時稱許門四傑著有先儒宗旨著谷叢說諸書子三人以詩禮世其家

江南通志

明何瑋字宗堯桐城人正德辛巳進士年二十時即以斯道自任官南兵部主事有直指鮑金慮其不受戒使者致而去瑋欲辭不得乃易錢周九市之句者曰代直指為惠耳後以忤中貴歸凡從游者告以稽古明道立法善俗為先生平慕曾子之學作日省錄因以省名齋人稱省齋先生

江南通志

程程字用憑懷甯人積學勵行設教里中遠近就學者數百人時良知之說盛行程獨守河東之教誨人專以踐履篤實為務嘉靖中以歲貢知臨武縣有惠政乞休歸子敬思以舉人知縉雲縣聞程得請亦乞養歸值歲大祲發困以貸次歲復歉悉焚其券後數歲稔民皆擔負以償無負者以此見里人亦薰其德

而善良云

江南通志
安慶府志

雷鳴春號龍舒懷甯人嘉靖己未進士知孝感縣奏最擢刑部主事轉工部出守南陽多治績升右參議致政歸平生篤學嗜古治禮經以講明理學闢二氏爲己任著有雪雲樓集禮經注疏等書

安慶府志

金道寓字晴嵐潛山人少孤以學行著聲構竹浪館率諸弟姪讀書其中晚年精心濂洛之學著有朱陸異同辨竹浪館集

江南通志

金道器字達生潛山人博習羣書破產積書三萬卷沈酣其中初慕陸學以簡易悟入後乃豁然曰無戒慎功終屬影響始專讀朱子書因知尊德性不能離道問學而耽空守寂不特有背程朱亦非象山之初旨也自是學愈醇粹

江南通志

胡文翰字汝學望江人從游於王守仁嘉靖閒以舉人知崇安縣用德教代政刑致仕歸益以倡明道學爲己任巡撫耿定向嘗詣文翰講論累日而去

安慶府志

張翰如字瑞翔桐城庠生博精易學著周易疏桐學易者多出其門

安慶府志

涂榮臺號望軒潛山庠生少從其從父皖川講孟子浩然之氣一節退而著知言養氣論皖川甚驚異之長而閉門授徒不求聞達其學以省身克己爲要著有克己錄四書辨疑性理集成諸書卒年八十二同邑丁言字百行少以理學自勵以恩貢入南雍與歸有光爲金石交所著不寐錄直參濂洛之微晚知內鄉縣時稱循吏有慎菴文集二卷

江南通志
安慶府志

顏素字質卿懷甯人萬曆甲戌進士授中書自少講求性道毅

然以聖人爲可學而至丁內艱歸立意不出結廬石門窮究古今尤邃於易其學以易簡直捷爲宗所著有易研及詩文集後起南大理歷尙寶卿仕至應天府丞同邑王宗文字敬之師事素嘗謂大道如路之直卽事可以見性因物可以見道又桐城諸生錢志立者亦師事素母卒出所作舉業焚之泣曰佔畢半生爲老母也今已矣自是闢館授徒倡明理學其講易諸說今散見於輔仁遺編江南通志安慶府志

吳嶽秀字幼鍾懷甯人萬曆庚辰進士授中書與同年顧憲成等講學東林以道德文章相勵遷給諫直聲震天下以忤權貴出爲右布政尋乞歸築方丈室改號遜齋晚年謂湛若水隨處體認天理之語爲入聖之門大書於室用以自警江南通志童自澄字定夫桐城人萬曆閒布衣初見張甌夫卽毅然志學

嘗自言曰泰州起布衣爲餘姚高足彼丈夫也遂交四方講學之士建輔仁會館以處門弟子坐臥一小樓怡神養氣年至八十四江南通志

吳應賓字尙之桐城人母孫氏夢飛星入口而生少誦千言博覽羣籍成萬曆丙戌進士官編修以日省告歸家居四十載惟閉戶著述闡發性命之旨同里左光斗方大任皆以理學薦特召不赴上疏極論時政上嘉之著宗一聖論十篇性善二書學庸論語釋行世江南通志

方昇字寅陽懷甯庠生言笑不苟讀書必焚香盥手然後展卷其訓子弟及從游者曰程純公教上蔡以靜坐卽主一無適之旨也寒暑惟手性理一編晚歲尤精易學安慶府志

趙銳懷甯人嘉靖庚子舉人知建甯縣擢均州知州素少宦情

乞休歸鏡幼警敏師事桐城何瑋精尚書嘗著論稱顏子去文歸樸晦明用愚孟子鍊心於事理中告子制心於事理外朱陸殊塗同歸凡數千百言瑋嘗自許為聖門之狂而謂鏡為聖門之狷一時同學者皆稱為趙夫子

安慶府志

方學漸字達卿桐城人萬歷閒明經不仕初年十三時即有志洛閩之道後講學桐川秋浦閒揭性善之旨弟子常數百人著有易蠡性善釋桐彝邇訓桐川語心學宗諸書平生孝友篤行致庭樹有連理之異有連理堂集門人私諡曰明善先生

江南通志

安慶府志并方氏詩輯

姚希顏字崇孔桐城諸生貧而能樂與方學漸講學桐川會館歲大饑采浮萍為食晏如也

安慶府志

方大鎮字君靜學漸長子也萬歷己丑進士授大名府推官平

反疑獄活百三十人擢御史疏陳五事具言章奏寢閣礦稅害民巡撫罷職數年不代內府採權耗費無已皆切中時弊巡鹽浙江鹺政大理吳越白糧為民累具疏裁革又特疏為陳獻章胡居仁請諡天啟初進大理寺少卿與鄒元標馮從吾等講學首善書院既為羣小所排斥遂乞休隱白鹿山與門人講學不輟作居敬論六篇及荷薪義田居乙記易意詩意禮說諸書因母歿哀泣過傷廬墓而卒年已七十矣門人私諡為文孝先生

一統志安慶府志

劉若實號霜石懷甯人以國子生官鴻臚丞尋告歸雅嗜讀書窮理手錄孔孟周程書晨起拜之然後端誦顏素以易研授之遂遂於易往見方大鎮大鎮問曰論語首揭學字所學何事對曰有子注腳甚明非學天學聖但學為人而已大鎮歎賞

安慶府志

趙鴻賜桐城人武長子也好讀書淹貫六籍旁及百家師事羅汝芳開宣祕洞會延及多士為陋巷會戒以衍新建良知之旨著有海鷗吟及無甚高論跪石齋稿子士先守先訓閉戶著述有晚研堂蝶園諸集

安慶府志

方際明字奉嚴宿松人與左光斗瞿九思相友善其學以實踐為指力闢異端居喪秉禮不用僧巫著有治心錄訓兒錄冬青園諸草行世

江南舊志

李之讓字太初太湖歲貢為桃源教諭歲旱民多饑死縣令猶督捕賦之讓泣請不聽遂棄職歸益精求性命之旨著有易解枝言沁沁集等書性至孝母歿泣血三年凡遇忌日無不泣踊

安慶府志

劉若宰字退齋懷甯人崇禎戊辰廷試第一以宮允充日講官

會講修己以敬章反覆陳說上微倦斜倚御坐乃旁引五子之

歌曰為人上者奈何不敬上為端坐聽之聞母疾五疏乞養情

詞悲切上為動容允歸母歿以哀毀卒

江南通志

方以智字密之桐城人孔炤長子也崇禎庚辰進士授檢討孔

炤撫楚討賊楊嗣昌惡其異己以事逮下詔獄以智伏闕訟父

冤膝行沙堰者兩年帝為心動孔炤得減死都城陷為賊所執

脫身回南聞馬阮執柄不入流離嶺表隱於方外僧名無可學

者稱為愚者大師卒於萬安旅舍生平博極羣書天人禮樂象

數名物以及聲音文字靡不淹貫所著有周易圖象幾表通雅

物理小識諸子燔瘠切韻聲原烹雪錄浮山全集凡數百卷

方孔炤傳

容若春懷甯歲貢任徽州府訓導著有今易圖學心法釋義十

卷一百一十八

國朝劉餘清字不疑懷甯人幼聞其父若實講隨處體認天理之

語遂沈酣理學初游於方大鎮吳應賓之門後受業於姜曰廣

排異學其患難為高弟舉賢良方正不就晚以歲貢為蕪湖訓

導值裁缺諸臺司推重餘清特請畱蕪湖一員蓋異數云所著

有易問太極說西銘解諸書江南通志安慶府志

方鯤字羽南桐城人少為名諸生長而研求經學謂詩文小道

非儒者所急會豫章葉兼山講易桐城鯤盡得其學推河洛縱

橫之圖以測古人制樂用兵之意著有易盪二卷黃道周何楷

皆歎為從前所未有江南通志

陳朝棟字礪石桐城諸生幼讀論語孟子即謂聖賢可學長而

殫精宋儒諸書以大道務在躬行生平孜孜惟求寡過著清越

樓目錄三餘露箋等書江南通志

王瑜字石仲桐城人志在窮理盡性發明先聖之旨視功名富

貴泊如也順治中以歲貢官上元訓導所著有皇極通書詮解

安慶府志

蔣廷姬字孔緒懷甯人家貧嗜學隱居教授晚年益深明性理

所著有視履考門山草堂集江南通志懷甯縣志

朱書字字綠宿松人康熙癸未進士選庶常授編修纂修佩文

韻府

賜松花岡硯及鹿雉魚等物辰入酉出積勞成疾

上賜問遣太醫診視蓋異數也卒於京邸所著有恬齋詩文集松鱗堂

偶鈔古南嶽攷日記記聞漫記寒潭瑣錄行世生平為學以復

性為主格致誠正為歸方苞最推重之及卒為撰墓表安慶府志宿松

松縣志

徐穀瑞原名穀少字展成懷甯人康熙戊子舉人雍正間

上親棟民牧敷陳愷切稱

旨賜改今名授文安知縣在任三年以儒術飾吏治邑人至今思之著

有四書圖攷古學體式攷經史疑問天文管見星學指南方言

訂訛字音辨略百家闢謬見聞隨筆誦芬堂詩古文若干卷

懷甯縣志

周大璋字聘侯桐城人雍正甲辰進士知龍陽縣改華亭教諭

嗜古力學精研儒先性理之祕窮究諸史百家之書著有四書

精言四書正義左傳翼朱子古文注行世

胡宗緒字襲參桐城舉人薦充明史纂修官成雍正庚戌進士

特旨授編修旋遷國子監司業宗緒少孤母潘氏自教之不許讀無用

之書故自經史外殫心天文地理以及律運兵刑六書九章禮

儀音律之學無不洞悉源委所著有易管增注禹貢備遺同文

形聲故簡平儀等書行世

馬翻飛字震卿桐城人研窮六經暨宋儒書渙然有得乾隆初

有欲保薦應

制科者辭不就親歿廬墓有讀易錄禹貢初輯翊翊齋筆記及詩文

鈔若干卷子春生歲貢幼奉庭訓工詩古文詞尤邃三禮著有

羣經擇義延景堂詩鈔

張必剛字健夫潛山人乾隆壬戌進士知澄邁縣未幾告歸鍵

戶著述所著有三禮會通二卷其郊社辨謂不與圜丘方澤混

据郊特牲周禮以證鄭康成之是王肅之非其說最確又有濬

元書十六卷子綱能世其學著有古學發微偶編

吳直字生甫桐城人乾隆丙辰舉人潛心義理之學著有四書雜辨五卷學庸釋義六卷皆辨明諸儒之說不合於朱子者又有經義藥石四卷學庸附贅書二卷詩古文凡六卷

桐城縣志

葉酉字書山桐城人乾隆己未進士選庶常授編修歷升國子監司業右春坊庶子典試河南視學貴州湖南以得人稱在貴州裁汰新進陋規士林頌之所著有春秋究遺詩經拾遺易經

補義行世

桐城縣志

姚範字南青桐城人乾隆壬戌進士選庶常授編修充三禮館纂修甲子順天鄉試同考官是時同鄉張氏方盛範以學行自高無所依附在翰林不十年遂歸為文沈邃幽古務求精深不事華藻又以考據義理兩家互相譏詆其流弊至無所歸故於

學無所偏主自經史百家天文地理小學訓詁無不精通條貫而踐履篤實一以程朱為歸所著有援鶉堂詩文集經史子集

筆記四十六卷行世

桐城縣志

姚鼐字姬傳桐城人乾隆癸未進士選庶常改兵部主事尋補禮部典山東湖南鄉試累遷刑部郎中為四庫全書纂修官以疾乞歸鼐工古文康熙聞方苞以古文名於時同邑劉大櫟繼之鼐世父範與大櫟善鼐本所聞於家庭師友閒其論文根極於性命而探原於經訓其為學集漢儒之長而折衷於宋詩宗七子倣王士正古體選為今體選世皆以為精當嘉慶十五年重赴鹿鳴宴

恩加四品銜卒年八十五所著有九經說十七卷三傳補注三卷法帖

題跋二卷筆記四卷惜抱軒詩文集四十卷

桐城縣志

楊家洙字東川懷甯歲貢少雄於文晚乃獨究經義尤深於易著西樓易說十八卷既成作書致其友江濬源謂講章行而六經晦易與春秋尤甚今易說成書亦庶幾闡其歸趣正其舛謬補程朱之所未備家貧未梓歿後十餘年濬源取而稍加裁節欲為之刊行亦未果

懷甯縣志

錢彝字秉之桐城人專治宋學嘗曰五倫之外無理六經之外無學中年而後不應科舉專意著述有易槩書槩詩槩周官槩儀禮槩禮記槩四書槩孝經槩共二百二十四卷藏於家又有經疑七卷其門人吳士翬梓之以行世

桐城縣志

汪德鉞字萃齋懷甯人嘉慶丙辰進士選庶常改禮部主事升員外郎保薦御史充會典館總纂以事奪職旋需次銓部閉戶讀書日有劄記所著有七經及論語大學偶記十餘卷語錄四卷子史偶筆家訓女範詩古文各二卷德鉞篤信宋儒書然實潛心考據其所著尚有詩經文詞異同攷三國志補注惜未之

見懷甯縣志

馬宗棟字器之桐城人嘉慶己未會試中式辛酉

廷試成進士僅一年而卒所著有左傳補注博徵漢晉諸儒之說已行於世又有毛鄭詩訓詁攷證周禮鄭注疏證說文字義廣證戰國策地理攷漢南海鬱林蒼梧合浦四郡沿革考校經堂詩鈔若干卷藏於家

桐城縣志

吳詢字重約桐城諸生幼讀論語即謂古人可學而至作儒佛仙論眾咸異之長而究心宋儒諸書以易為五經之源研窮圖象有六對四分諸爻各變發古人所未發著有四書講義周易

語錄逸語詩文集

桐城縣志以上舊志

周家祿字姜祀太湖歲貢任崑山訓導以行克敦倫學能探本

題准祀鄉賢祠著有茗巖詩集太湖縣志以下新修

胡國鈺字鉉五桐城歲貢少喪母事父及繼母以孝聞長教授

鄉里好讀程朱諸儒先書致力於聖賢之學晚年探討愈精著

有大學指南及詩文十餘卷子田字雍則能承其學同時方日

新字閑阿孫學顏字萃農俱宗程朱之學與國鈺友善稱桐城

三隱桐城縣志

方宗誠文集

潘介字幼石懷甯歲貢以文行見重於時桐城方苞交以師友

之禮著作甚富今存敘記論說雜文數十篇懷甯縣志

周卜政字時亮桐城進士淹貫經史講身心性命之學一歸中

和著經訓解三禮會通左氏詳注史斷四書講義易經講義文

詩雜說桐城縣志

李時溥字博齋懷甯舉人壽州學正規行矩步語無妄發博覽

典籍尤肆力於經著有經義考實春秋地理考實

國朝地理圖考天文圖考算學精蘊等韻解懷甯縣志

吳庭輝原名泰臨字振行桐城進士歷官四川知州道光九年

以疾歸庭輝為政一本儒術實心教養化頑為良蜀人德之去

而見思家法嚴謹五世同居婚喪悉遵禮制力矯華靡為鄉里

式接引後輩溫然如老諸生年逾八十經史不釋手所著有讀

書說蝠山遺訓桐城縣志

許鼎字玉峯桐城人事父母有孝行所學以程朱為宗居鄉教

授嚴幼儀而以身率之著有正志錄正學錄蘇惇元文集

方東樹字植之桐城增生自少力學博覽經史能詩文中歲研

究義理成待定錄百餘卷著漢學商兌辨道論跋南雷文定以

砭姚江山陰之失晚年益窮性道之旨又撰有大意尊聞書林

揚解一得拳膺錄進修譜文集詩集等十餘種桐城縣志蘇惇元文集

徐璈字六驥桐城進士由戶部主事改知縣歷浙江壽昌山西

陽城興利除害攷校學宮禮器音律表章先哲振拔寒畯年六

十告歸兩縣民俱立生祠璈於書無所不讀著有詩經廣詁牖

景錄河防類要黃山紀勝檇亭詩文集及編輯桐舊詩集凡九

十八卷桐城縣志方東樹文集張遇春陽城徐璈祠書事

潘大濟字用楫太湖舉人自幼志學即嗜程朱遺書著有改過

遷善主靜慎動主敬存誠居仁由義入箴內行純篤交誼有始

終教授生徒一準禮法鄉人式而化之著有端本堂詩文集太湖

石葆元字聿臻宿松進士授編修嘉慶庚午貴州正考官辛未

乞養歸父卒遂不復出生平無妄言戲動嘗謂居處恭執事敬

與人忠三語終身受用不盡詩古文詞力歸醇正著有清貽館

遺稿卒祀鄉賢宿松縣志

汪桂月字養園宿松貢生舉孝廉方正所學以守身為本及物

為用實能踐履之著有養園隨筆亦寄齋文存攄抱軒詩鈔卒

祀鄉賢宿松縣志

石廣均字方墀葆元之子受學於汪桂月以聖賢之道相助成

道光丙戌進士授主事尋乞養歸居憂哀毀盡禮尤以繼志為

孝凡義舉費數萬金治家整肅一言動皆足為法擷性理諸書

之精粹著內訟齋隨錄人譜詩箴亦園遺集亦園詩鈔卒祀鄉

賢宿松縣志

馬守愚字古墟懷甯人少孤力學實事求是自墳籍以至

國家掌故及算數醫卜星命堪輿樹藝畜牧究心編錄而治經尤以禮為主事父母孝事兄恭謹兼容汎愛未嘗私言人過和易有威族黨畏服咸豐初元舉孝廉方正不就粵逆之亂守愚倡辦團練迨克復後興復學校恢廓考棚助立書院捐置義學年七十一卒著有知艱錄義學規條二五陳數啟蒙忠義小傳風節井遺骸考

懷甯縣志

蘇惇元字厚子桐城監生舉孝廉方正年三十時心好朱子之學後師事方東樹學術一歸純正家貧甚一介不妄取與道光戊申己酉水災助知縣唐治籌畫賑濟鄉里因得實惠所著有四禮從宜張履祥方苞年譜遜敏錄課蒙津指欽齋詩文鈔子求敬字懋甫諸生篤孝純謹以哀毀成疾卒著有詩經序傳擇參書紳錄愧學錄復菴詩文鈔澄園日記

桐城縣志

朱道文字魯岑桐城附生豁達有經世志憂深慮遠往往於詩文中發之母趙年九十餘道文亦老矣孝養如孺子晚遭寇難家屬遇害道文絕而復蘇甚貧日不再食終不受非義財其學以程朱爲準則所著詩學易學及詩文門人蕭穆蒐輯爲遺集

八卷

桐城縣志

胡笥字東潭桐城增生少孤事兄以友愛稱居鄉有義行講求經術通達治體著中庸繹經四書溫故所知錄周易溫故所知錄禹貢考洛誥考守望要略詒翼堂文集

桐城縣志方宗誠文集

儒林二
梁胡明星黟縣人天監初為太學博士賀瑒舉助修五禮遷太常卿武帝崇尚釋氏宗廟以麩為犧牲上疏切諫不聽又與朱异不合棄官歸

重修安徽通志卷一百一十九

人物志

儒林二

徽州府

梁胡明星黟縣人天監初為太學博士賀瑒舉助修五禮遷太常卿武帝崇尚釋氏宗廟以麩為犧牲上疏切諫不聽又與朱

异不合棄官歸 萬姓統譜 江南通志

宋俞易直字平叔歙縣人元豐登第為彭澤尉以母老歸清修苦操臨歿郡守會諤命其屬往視問以後事答曰棺已具衣已

浣方屬妻子耐葬先塋不為齋具此外無所須也曾遣吏齎錢

五萬供湯藥不受曰吾生平貧豈以五萬變吾志哉 萬姓統譜 江南通志

江致一字得之休甯人從胡瑗游宣和間以鄉薦入太學靖康時伏闕上書乞斬蔡京童貫等六奸臣復李綱相位聲震中外尋授承信郎

萬姓統譜 江南通志

朱松字喬年婺源人第進士胡世將謝克家薦除祕書正字趙鼎為相進校書著作郎歷司勳吏部郎中以議和議忤秦檜風御史言松懷異自賢出知饒州嘗自謂性褊急害道取古人佩韋之義名其齋曰韋齋有韋齋集十二卷元至正間追諡靖獻

宋史朱熹傳 江南通志

程大昌字泰之休甯人紹興辛未進士著十論言當世事擢太平州教授孝宗即位遷著作佐郎累擢至權禮部侍郎直學士院出為浙東提刑力拒酒稅增額之議徙江西轉運副使奏蠲漕運積稅歲歉出十萬餘緡代輸贛吉臨江南安夏稅復清江

縣破阮桐塘二堰以杜水患累遷至吏部尚書出知泉州汀州賊沈師作亂閩部大震檄統制裴師武討平之遷知建甯府以龍圖閣學士致仕卒諡文簡著有禹貢圖論易原雍錄易老通言攷古編演繁露北邊備對行於世

宋史本傳

吳儆字益恭休甯人與兄俯齊名時為之語曰眉山三蘇江東二吳俯登乾道進士官終太學錄儆登紹興進士通判邕州張栻稱其忠義果斷緩急可仗薦於朝召對首陳恢復大計備論帥臣漕司協濟之宜遷廣南西路安撫著有竹洲集諡文肅子

萬姓統譜 江南通志

吳景字叔夏歙縣人朱子歸省先瑩景首執經館下得聞伊洛之學又從至建州就正造詣益深無意進取以薦徵為郡校書不就所著有易論書說史評及詩文集人稱友堂先生

萬姓統譜 徽州府

南通志

汪楚材字太初休甯人紹興元年進士歷湖南安撫使幹辦公事轉廣西運司幹官喜問學朱子與吳儆皆器重之告以聖門為學之工夫次第及佛老之弊遂以儒碩知名萬姓統譜程洵字允夫婺源人問學於朱子嘗以道問學名齋朱子為易其額曰尊德性因為作銘相與往復問答今載於大全集者十三書初任衡陽主簿調廬陵錄參與新使不協臺章有云吉州知錄程洵亦在偽學之流朱子曰今日始見吾弟行止分明所著有克齋集一統志王炎字晦叔婺源人登乾道乙科授崇陽簿累遷知湖州不畏強禦邸第貴介有撓政者炎注於牘曰汝為天子親亂天子法炎為天子臣正天子法人傳誦之初著易解未竟病篤乃夜祝

天願須臾無死以成書病果少瘥著有雙溪類稿萬姓統譜

江南通志

滕璘字德粹婺源人與弟珙俱從朱子游淳熙八年中乙科調鄞縣尉改四川制置司幹官韓侂胄當國或勸璘一見可得掌政璘曰彼以偽學誣一世儒宗以邪黨錮天下善士顧可干進乎終不肯屈後官至朝奉大夫璘初為論語說朱子見而善之既而語之曰學以變化氣質為功而不在于多立說璘自是不敢輕論著所著溪齋類稿三十卷珙登淳熙十四年進士令合肥有仁政萬姓統譜

江南通志

汪安仁績溪人慶元進士授學錄淳熙中率太學生三百二十八人入奏請朝重華宮不報仕終興國軍教官江南通志錢時字子是歙縣人宋史作師事楊簡以易冠漕試絕意科舉

重修安徽通志 卷三十一 人物志 儒林 徽州府

究明理學江東提刑袁甫作象山書院招主講席學者興起以

喬行簡薦授祕閣校勘出佐浙東倉幕又以李心傳奏召入史

館尋告歸著有周易釋傳尚書演義詩學管見春秋大旨四書

管見兩漢筆記蜀阜集冠婚記百行冠冕集宋史楊簡傳

金朋說字希傳休甯人淳熙丁未進士知鄱陽縣時厲偽學之

禁凡薦舉改官悉令漕帥取狀方得擢用朋說應薦上狀言素

師朱熹講孔孟及程氏遺書實不知為偽遂解職歸通志

詹初字以元休甯人淳熙間薦為太學錄韓侂胄用事上辨邪

正一疏不報解官歸著有寒松閣集通志

汪莘字叔耕休甯人為學不屑於場屋聲病之文屏居讀易嘉

定閒應詔陳天變人事民窮吏污之弊不報真德秀楊簡見之

曰真愛民憂國之言也時朱子召赴經筵未至莘貽書言財不

待先生而富兵不待先生而強惟主上父子之閒所不能濟者

待先生而濟朱子深契之所著有方壺存橐柳塘集萬姓統譜

劉伯謙字謙甫歙縣人居父喪遵古制著理學正傳四書講說

弟伯證字證甫以文謁魏了翁真德秀咸稱善為之序著有唐

史撮要左氏本末三傳制度等書真魏二人相繼論薦力辭不

仕通志

程若庸字達原休甯人從饒魯游得朱子之學咸淳閒登進士

累為安定臨汝武彝三書院山長吳澄程鉅夫皆出其門學者

稱勿齋先生所著有性理字訓講義太極洪範圖說萬姓統譜

汪暉字處微績溪人不求仕進結廬曰環谷取六經諸子百家

之書日益鑽研真德秀欲薦之未果而德秀卒所著有環谷存
豪及編纂曾子十二篇子思子九篇卒門人私諡曰康範先生

徽州府志

胡方平字師魯婺源人受易於董夢程夢程受於黃幹故得朱
子真傳既又精研反覆二十餘年乃合本義啟蒙注通釋一書

又為外翼四卷與易餘閒記行於世徽州府志

謝璉字公玉祁門人嘗從朱子講學言行醇正為世名儒寶慶
二年由特奏名授迪功郎為龔州助教所著有語錄日錄萬姓統譜

江南通志

程永奇字次卿休甯人受學於朱子居家嘗做伊川宗會法以
合族人又行呂氏鄉約冠婚喪祭悉用朱氏禮偽學難作遜於
邑之東山平生玩索經傳所著有六經四書疑義朱子語粹格

齋稿疾革門人問之正衣冠而起曰吾不能多言呼筆大書一
敬字而逝學者稱格齋先生江南通志

元汪一龍字遠翔休甯人宋咸淳進士調句容尉攝縣事歲大
饑做朱子南康遺規為便民十條行之民無瘠殍淮閩李庭芝

辟入幕京口瓜州不守奉母航海南歸宋亡不仕至元中起教

紫陽書院闡朱子之學人稱定齋先生萬姓統譜江南通志

胡一桂字廷芳婺源人父方平號玉齋精於易著易學啟蒙通

釋一桂之傳出於父得朱氏源委之正宋景定甲子舉於鄉入

元退而講學入闈求朱子緒論著周易本義附錄纂疏十五卷

及啟蒙易傳三篇又作十七史纂朱子詩傳附錄纂疏及人倫

事鑒歷代編年諸書學者稱雙湖先生元史本傳

陳櫟字壽翁休甯人三歲祖母吳氏口授孝經論語輒成誦年

十五鄉人皆師之慨然發憤致力於聖人之學以為有功聖門者朱子歿而諸說亂真乃著四書發明書傳纂疏禮記集義以闡朱子之說又為讀易編讀詩記爾雅釋六典撮要春秋三傳節注資治通鑑精節增廣通略論孟訓蒙口語書解折衷諸書延祐設科有司強之舉於鄉不赴禮部居家教授學者因其所居稱定宇先生晚年自號東阜老人卒年八十三揭傒斯誌其墓與吳澄竝稱且以為過於澄云元史本傳

程直方字道大婺源人讀書十年不下樓尤深於易入元絕意仕進行部至者必造請或延至學宮執禮受教萬姓統譜江南通志倪士毅字仲宏休甯人祖父三世以經學教授鄉里毅世其學以教授於黟二十三年黟人化之學者稱道川先生生平事親至孝接物以誠與趙汭汪克寬稱新安三有道著四書輯釋三

十六卷明永樂閒詔儒臣纂修四書大全實本其書又有尙書作義要訣四卷傳於世元史類編

胡炳文字仲虎婺源人父斗元從朱子從孫小翁得書易之傳炳文尤潛心朱子之學延祐中以薦署信州道一書院山長再調蘭溪州學正嘗作周易本義通釋十二卷其於朱子所著四書用力尤深作四書通三十四卷以剛正饒魯之說之戾於朱子者又著春秋集解禮書纂述大學指掌圖五經會義爾雅韻語諸書至大閒其族子淀為建明經書院以處四方來學者儒風之盛甲東南世稱雲峰先生門人同邑王偁字伯武著書極博朱升素稱該洽凡有疑必日以問伯武又同郡張存中字伯庸著四書通證炳文極稱之以附於四書通之後元史類編江南通志程復心字子見婺源人沈潛理學會輔氏黃氏之說而折衷之

著四書章圖總要章爲之圖圖爲之說至大開行省獻其書於

朝授徽州路教授以母老辭歸萬姓統譜 江南通志

王埜翁字太古婺源人通經工詩詞尤嗜易先儒之論皆謂陽

實陰虛埜翁則謂天氣運地形停陽虛陰實吳澄善其說扁其

室曰行易從學者甚眾江南通志

程榮秀字孟敷休甯人幼學於方回及回以睦州附元因辭去

從許月卿受易延祐中以薦提舉浙江儒學於諸經子史悉有

記錄以家禮出朱子歿後中多未定之論復取朱子言行有涉

於禮者爲翼禮以傳焉萬姓統譜 江南通志

汪炎景字懋遠婺源人幼能詩長而淵源六經發揮朱子之微

旨而疏之曰四書集疏其教人必使循序漸進其文奇而有法

江南通志

吳霞舉字孟陽歙縣人父龍翰宋迪功郎編國史院實錄霞舉

性孝友嘗領歙邑教事所著有易管見筮易太元潛虛圖說又

有文公喪禮考異曹涇稱爲紫陽功臣江南通志

程龍字舜俞婺源人宋咸淳進士仕睦州推官入元除永嘉縣

尹轉湘陰知州以徽州路同知致仕所著有尚書毛詩二傳釋

疑禮記春秋辨證及三分易圖龍以仕元非本志自號不不翁

江南通志

趙汭字子常休甯人姿稟卓絕聞九江黃澤往從之游得六經

疑義千餘條以歸已復往畱二歲得口授六十四卦大義與學

春秋之要復從臨川虞集游獲聞吳澄之學乃築東山精舍讀

書著述諸經無不通貫而尤邃於春秋以聞於黃澤爲春秋師

說三卷廣之爲春秋集傳十五卷因經解有屬辭比事之語復

著春秋屬辭八篇又以爲學春秋者必考左氏事實乃復著左氏補注十卷當元末兵起汭轉側干戈閒而進修之功不輟明初詔修元史徵汭預其事書成辭歸學者稱東山先生明史本傳

汪克寬字德一祁門人祖華受業於饒魯得黃勉齋之傳克寬於元泰定中舉鄉薦會試以策伉直黜遂棄科舉盡力於經學著春秋胡傳纂疏易有程朱傳義詩有集傳音義會通禮有禮經補逸綱目有凡例考異學者稱環谷先生明初召修元史書成將授官固辭賜銀幣給驛歸明史本傳

明朱升字允升休甯人元末鄉薦爲池州學正蘄黃盜起棄官去太祖下徽州召問時務歷官翰林學士定宗廟時享齋戒之禮與諸儒修女誠上之大封功臣制詞多升撰學者稱楓林先生明史本傳

范準字平仲休甯人元末從趙汭朱升汪仲魯游學問該博爲文宏議闊論洪武十一年以明經舉任本邑訓導擢陝西葭州吳堡知縣開設舊治安復流離興崇學校廉介清苦升工部主事卒於官所著有齋養稟西游率稟謬稟塞白稟何陋軒稟萬姓統譜江南通志

謝復字一陽祁門人讀書不求仕進嘗負笈西陂從吳與弼游所得必見之躬行居家孝友喪葬冠婚悉遵古禮人稱西山先生一統志明史吳與弼傳

汪循字進之休甯人游莊景之門與王守仁數相論辨登宏治丙辰進士爲永嘉知縣擢判應天正德初應詔陳內修外攘十策劉瑾擅政一月三抗疏請裁革中官不報罷歸萬姓統譜江南通志

游震得字汝潛婺源人嘉靖戊戌進士由行人入諫垣世宗好

游震得字汝潛婺源人嘉靖戊戌進士由行人入諫垣世宗好

方士言公卿多以祝釐進震得獨昌言其失上震怒廷杖外補副使贛州分守辰州省稅權停積逋掣民壯裁調發兩地皆尸祝之歸創虹東書院講學其中著有性理纂要談藝要錄萬姓統譜

江南通志

汪視字介夫祁門人刻苦砥礪上友古人事母至孝著有家禮破俗投壺儀節檠菴遺藁江南通志

范涑字原易休甯人萬曆甲戌進士知南城縣累遷浙江按察福建布政所至興利除害雅尚理學南中爲張江陵祝釐涑獨不赴巡撫海瑞謂南中得個半人涑其一也著休甯理學先賢傳范子喙言睢陽文集江南通志

余懋衡字持國婺源人萬曆壬辰進士令永新擢御史時以殿工礦稅四出暴橫懋衡疏論其害以爲十倍於加賦巡按陝西

劾稅監梁永永賄膳夫毒之不死拷膳夫得賄及餘蠱因上書極論永罪久之撤還關中始靖閱視固延兩鎮條上十事掌外計列計典七條著爲令引疾去天啟元年起歷大理寺少卿進右僉都御史理京營戎政進右副都御史改兵部侍郎魏閣請恩蔭諸弟姪及客氏子懋衡以爲非典封還兩敕升南京吏部尙書力辭引疾歸初懋衡於新安紫陽書院倡明理學又與鄒元標馮從吾構首善書院於京師既而奸黨張訥醜詆講學諸臣懋衡遂坐削奪崇禎初復官所著有乾惕齋集語錄及經翼

諸書

明史本傳江南通志

李希士字聖始黟縣庠生少見先儒語錄云學問須心上做始得卽負笈入山默坐觀心後與鄒守益湛若水創中天書院講學著有三經約言徽州府志

金瑤字德溫休甯人以貢為會稽廬陵丞與鄒守益聶豹為莫

逆專意講學調桂林衛經歷不赴林居三十年談道闡述著有

周禮述注六爻原意十七史摘奇蠶訓文集等書徽州府志

陳履祥字文臺祁門歲貢聞羅汝芳開講南都往從之游已復

師事耿定向定向極重之曰此吾老友也後授徒於金陵宛陵

從者如雲著有四書翼九經翼易會通諸書徽州府志

游再得字汝見婺源人從學湛若水羅洪先鄒守益之門壯年

即棄諸生力學砥行嘗作四箴為兄震得規鄉人有不善者多

畏其知所著有近思錄楚游彙蓮華山人集等書徽州府志

程佩字以和休甯人篤信程朱之學力闢二氏侍母疾宵衣踰

年及卒哀毀泣血目為之盲所著有學庸問辨學則音韻等書

徽州府志

吳成志字儒達婺源人性孝友早孤展父書輒涕泣不忍讀為

古文詞自成一家所著有尚書制意四書制意周易補過晤語

等書同邑戴文仲字用中孝友力學淹貫六經所著有四書考

尚書考性鑑歌圖學者稱草窗先生又余懋進字用之萬曆丙

子舉人家貧力學不入城市著有四書解五經管窺性學質疑

又吳從周字文卿萬曆中以貢歷杭州通判攝錢塘令有陳俊

等十年沈獄片言折之生平尤以講學明道為務著有易經明

訓春秋心印及語錄會編諸書徽州府志

程智字子尚休甯人深究易理至忘寢食入徑山閉關三年羣

疑悉破曰一四天地之元二三天地之父佛知天地之元意主

無生道知天地之交意主長生至參兩倚數用六用九大衍五

十惟儒者能之此生生之為易也著有二四一三參兩說及大

易宗旨中庸旨說諸書

江南通志
徽州府志

江旭奇字舜升婺源諸生幼孤母余氏口授孝經小學既長著

孝經翼孝經疏義崇禎初疏寫所著北游成均適駕臨太學遂

奏上請補成孝經大全命題取士且請祀諸葛亮張巡岳飛於

文廟詔許之授安岳丞所著有小學疏義書經傳翼朱翼檀弓

疏義漢魏春秋筆花齋集等書

江南通志
徽州府志

江懋奇字正叔婺源人崇禎乙亥拔貢辭歸不就選著有尙書

約旨五經麗文史鑑捷衡性至孝母目盲同妻方氏昕夕禱天

目復明又江世育郡庠生性孝友著四書正義近居錄朱王異

同辨

徽州府志

程瞳休甯人不求仕進專務實學著閑闢錄辨朱陸之異同著

新安學系與朱子合者存背者去又有新安文獻紫陽風雅諸

書

江南通志

謝顯字惟仁祁門人沈慧好學家貧或勸之治生對曰治生孰

若治心從湛若水學靜坐有得云此學如過獨木橋絕無倚靠

立腳處督學耿定向檄祀鄉賢祠評之曰跡其所至已在善信

之間充其所至不底聖人不已

江南通志

洪德常字常伯歙縣人少有遠志研心六籍及宋元明諸儒之

書著中庸要領周程張朱五子學約知行合一錄養性格言次

子珣貢生授武進訓導亦以學行聞

江南通志

汪九漪字紫瀾休甯人少嫻文詞晚年專精邵子易學原本廖

氏以聲音爲理數統宗而參用祝氏易同之旨著續皇極經世

書七音類集述其孫應銓直

南書房嘗以其書恭進

江南通志

汪佑字啟我休甯人爲學以實心窮實理實功成實修二語自警著有詩傳闡要易傳闡要禮記問答大樂嘉成四書講錄五子近思錄明儒通考星溪文集家禮儀節補訂諸書休甯縣志國朝吳曰慎字徽仲歙縣人深潛易學著有周易本義翼周易愚按周易集粹文徵數十卷文徵取史以證象尤曉然於貞勝之旨

御纂周易折衷曾取其書數十則附明儒後江南通志歙縣志

汪璉字文儀休甯人嘗講學東林力嚴陽儒陰釋之辨著有周易質疑二十卷凡八易稿而成歿祀東林書院學者稱默菴先生又有大學章句釋義周易補注學部通辨語餘漫錄悠然草諸書休甯縣志張韻字含之祁門人爲文根據理要明季文體詭異多用二氏

語喟然曰理學晦矣遂棄舉業杜門窮經尊程朱斥佛老著有

石渠稿徽州府志

江恆字于常歙縣諸生著有王學類禪臆斷一書辨別傳習錄所論之非共百三十二則歙縣志

汪知默字聞增歙縣人與洪德常講學德常著作皆折衷於知默著有本書畏書篤行錄理學歸一諸書歙縣志

胡周字樂明歙縣諸生絕意仕進潛修實踐與同邑汪德元汪知默江恆講學紫陽書院既卒其門人施璜輯其遺書及詩文行世德元字正叔由歲貢爲蒼梧令有惠政歙學者推先正必以德元爲首歙縣志

施璜字虹玉休甯人日以存何念接何人行何事讀何書吐何語五者自勘教人九容以養其外九思以養其內九德以要其

成學者稱誠齋先生初璜好學不敢自是聞四方有名賢徒步千里考論同異嘗過宛陵詣施閏章侍講詰問累月歸著誠齋問對性理發明易書詩四書太極圖西銘繹注五經臆說訂學庸或問辨學彙言其五子近思錄發明小學發明二書尤為海

內傳誦

江南通志 休甯縣志

吳之騷字耳公歙縣人順治中以舉人為績溪教諭遷丹陽教授分校湖廣鄉試置義田設義學以教養族人著有學經類解

桂畱堂集

江南通志

胡廷璣字瑜公績溪拔貢授儒學教諭以父母年高不就銓兄弟六人百餘口同居無閒四子五經皆有集說其周易臆見獨尋象占本意不為舊說所蔽於邵程朱三家外多有發明績溪縣志江永字慎修婺源人為諸生數十年博通古今專心十三經注

疏而於三禮功尤深以朱子晚年治禮為儀禮經傳通解書未就黃氏楊氏相繼纂續亦非完書乃廣摭博討大綱細目一從五禮之次而編輯之題曰禮經綱目凡八十八卷釐正發明足以終朱子未竟之緒嘗一至京師桐邑方苞荆溪吳紱質以禮經疑義皆折服其他如推步鍾律聲韻皆能發前人之所未發而一切制度名物稽考精審訂訛補漏實東南一大儒宗也所著禮經自綱目外有周禮疑義舉要禮記訓義擇言深衣考誤儀禮釋宮增注儀禮釋例律呂闡微律呂新論春秋地理考實鄉黨圖考論語瑣言羣經補義讀書隨筆古韻標準四聲切韻表音學辨微河洛精蘊推步法解近思錄集注考訂朱子世家及脊齋文集又因宣城梅文鼎歷算全書為之發明訂正成算學八卷續一卷卒年八十二祀鄉賢四庫目錄 婺源縣志

汪紱初名烜字雙池婺源人家貧困初備於江西景德鎮為畫碗之役以其餘閒讀書後乃博極儒經以宋五子之學為歸因陸隴其所著讀禮志疑乃作參讀禮志疑二卷多得經意可與陸書相發明又著有周易尚書四書詮義春秋集傳禮記章句樂經律呂通解理學逢源儒先晤語行於世婺源縣志胡匡衷績溪歲貢以孝友為鄉里所重力學探微於經義多所發明而不苟與先儒為同異所著有周易傳義疑參十二卷析程朱之異同而補所罅漏多采宋元各家之說以相訂正而亦時出己見禮經則著三禮札記周禮井田圖考井田出賦考儀禮釋官等書其論井田多申鄭義而授田則以遂人為鄉遂制大司徒為都鄙制謂鄭注自相違背作畿內授田考實一篇列於卷首其釋官則以周禮禮記左傳國語與儀禮相參證足補

注疏所不及又著有左傳翼論語古本證異論語補箋莊子集評離騷集注等書詩古文則別為一編名曰樸齋文集績溪縣志

胡玉達原名景燠績溪庠生講學梓潼山以宋五子錄及朱子小學為本門人得其支流者稱梓潼派著有學庸衍義性理圖說考證小學三編考古類編崇信錄梁安闡幽錄胡在田縣志補正引梁安

者舊藝文錄績溪縣志新増戴震字東垣休甯人從江永游研精注疏及說文諸書不主一家質之於永永大驚賞年三十餘以諸生入都北方學者如獻縣紀昀大興朱珪南方學者如嘉定錢大昕餘姚盧文弨青浦

王昶皆折節與交尚書秦蕙田纂五禮通考延震任其事乾隆二十七年舉鄉試三十八年四庫館開徵海內淹貫之士司編校之職震以薦充纂修四十年

特命與會試中式者同赴

殿試

賜同進士出身授庶常晨夕披檢無閒寒暑所校大戴禮水經注尤精

核四十二年卒於官所著於小學有聲韻考聲類表方言疏證

於測算有原象迎日推策記句股割圓記續天文略策算又有

詩經二南補注毛鄭詩考考工記圖孟子字義疏證屈原賦注

通釋諸書別有文集十二卷

休甯縣志

潘繼善字取大婺源副貢所著有聖學輯要讀經史筆記音律

節略考等書年八十三臨歿猶索筆手書云先儒到終祇有一

敬字此足以見其所得矣

西庫全書提要 婺源縣志

金榜字輔之歙縣人乾隆壬辰狀元授修撰未幾卽移疾歸少

工文詞以才華爲天下望後受學於江永遂深經術其於三禮

博稽而精思慎求而能斷爲鄭氏一家之學而不務苟同所著

有禮箋三卷行世

歙縣志

趙繼序字芝生休甯人乾隆辛酉舉人所著有周易圖說質疑

二十四卷其書以象數言易而不主先天河洛之說爲圖三十

有二爲說五其詁經多從卦變取象兼取漢宋之說無所偏主

嘗云訓詁制度義理皆儒者所當研究者因精力不及分門別

戶遂相刺謗學者不知其方則云漢宋異學其弊日甚乃著漢

儒傳經記誤孔門弟子考又著經說史論及詩古文若干卷

休甯縣志

凌廷堪字次仲歙縣人六歲而孤旣冠始知讀書慕其鄉江永

戴震之學乾隆五十五年成進士選甯國府教授著述十餘年

卒於官廷堪貫通諸經尤深於禮撰禮經釋例十三卷凡八類

重修安徽通志卷三十九人物志 儒林 徽州府

曰通例曰飲食例曰賓客例曰射例曰變例曰祭例曰器服例
曰雜例禮經第十一篇自漢以來說者雖多由不明尊尊之旨
故罕得經意乃為封建尊尊服制考一卷附於變例之後又著
有魏書音義燕樂考源元遺山年譜諸書其校禮堂集於五物
九拜九祭釋牲旅酬楚茨諸說經之文多發古人所未發而尤
卓然者則有復禮三篇歙縣志

程瑤田字易疇歙縣人以舉人任嘉定教諭王鳴盛錢大昕皆
推重之嘉慶元年舉孝廉方正瑤田少受學於江永篤志治經
休甯戴震自謂遜其精密浙撫阮元聘修杭州府學樂器多所
參訂生平為漢學而不苟同所著書曰通藝錄治經者咸推服
焉歙縣志
以上舊志

洪榜字初堂歙縣人乾隆丙申以舉人應天津

召試授內閣中書粹於經學其解周易訓詁本兩漢作述贊二卷又著

周易古義錄書經釋典詩經古義錄詩經釋典春秋公羊釋例
論語古義錄初堂讀書記弟梧字桐生乾隆庚子

召試舉人由編修官沂州知府亦邃於經學同族洪瑩字賓華嘉慶己

巳進士授修撰五經各有撰述同邑羅永符選舉表字子信嘉
慶辛未進士善讀書通經史工詩古文先正事略
以下新修

朱文翰字見菴歙縣人乾隆庚戌進士歷官兩淮鹽運使生平
學優養醕以闡明聖道為己任著有退思初稿名學類通行世
又有退思續稿桐齋經進文存及詩集省餘筆課藝餘錄各種
歙祀紫陽書院歙縣志

胡秉虔字伯敬績溪人嘉慶己未進士由刑部主事改官甘肅
靈臺縣知縣升丹噶爾同知卒官秉虔博通經史於小學致力

尤深著周易尚書論語月令小識卦本圖考尚書毛詩敘錄四書釋名小學危言經義聞斯錄漢西京博士考槐南麗澤編惜分齋叢錄對牀夜話詩集共百餘卷官張掖時祀前明殉節諸臣采輯事蹟著甘州成仁錄四卷績溪縣志

董桂敷字宗邵婺源人嘉慶乙丑進士官編修與修

國史以汪紱學得朱子真傳請立專傳不果行引疾歸著有十三經管見書序蔡傳後說周官辨非解夏小正箋注諸史蠡測諸子異同得失參斷儒先語錄匯參見聞贅語自知室文詩集道光十六年奉

旨祀鄉賢祠

婺源縣志

胡培翬字載平績溪人嘉慶己卯進士官內閣中書戶部主事回籍立東山書院又掌教鍾山雲閒涇上並引翼後進為己任

生平學無不該精於三禮積四十餘年成儀禮正義燕寢考研六室文鈔阮元采其說經者入

皇清經解中卒祀鍾山書院同時有歲貢胡宗翰字西園著有儀禮

析微績溪縣志

孫蒙字養正黟縣人治周易分五門一易緯二易支三易流四易跋五易衍皆究揲灼布推加減飛行診望之法補注附說作表摺拾奇肢總名周易外傳凡十五卷又通音韻有易韻一卷元音二卷黟縣志

李筠字煥文婺源文生少孤事母極孝授徒依小學節目講求冠昏喪祭之禮皆躬行之著有春秋三傳釋經五十卷讀書隨錄內省筆記各一卷婺源縣志

吳薑字賢二婺源歲貢年三十時已著有易經補注書經補義

禮記集說天文考詩文集各若干卷一日自悟以為言朱子所
已言則贅言所未言則背遂盡焚之教人篤志勵行尤以養蒙
為要因取胡炳文純正蒙求徵其故實而句釋之婺源縣志

程桂馥字月巖黟縣諸生學以誠正為主其教授生徒必以孝
弟忠信日籍所業以考得失父歿事祖母繼母如母愛弟甚摯
而教之必納於軌交友以敦行相勉過則規之同鄉高學濂見
而語人曰語精而顯氣肅而非躬行心得未易有此黟縣志

章大澤字道和績溪人兩舉孝廉方正皆不就事母以孝聞家
貧授徒以非義餽者弗受為學以克己為先說經皆剴切詳明
著有易經漢魏注勘績溪縣志

吳蘭芬字春田休甯附監生家世講學有志紹述隨父明禮入
都為山陽汪文端所器重南歸潛心性理之學從格致始躬行

孝友型鄉式俗以行先文後訓及門著有讀書書所見錄始畱

草詩集休甯縣志

朱濂字理堂歙縣廩監生孝友為鄉黨則經史淹貫尤精詩禮
博采先秦及唐宋諸儒之說成毛詩補禮六卷生平然諾不欺
以身率教歙縣志

俞正燮字理初黟縣舉人直方敏大忠信廉介才識俱長其學
主於求是其文典重手成官私宏鉅書如

欽定左傳讀本行水金鑑之類不自名者甚多自名者有癸巳類稿癸

巳存稿說文部緯校補海國紀聞而類稿為最著其書自緯度
輿圖經疑史證以及靈素道梵方言志乘皆兼綜條貫發前人
未發之覆掌教江甯惜陰書院卒弟正禧字鼎初舉人湛深經

術尤熟史事善論文多義行與正燮齊名黟縣志

汪文臺字南士黟縣廩生事父母最孝博學強識治經獨宗漢儒病宋元以後輕議六經作脞稿以正其失又著有論語外傳十三經注疏校勘識語後漢書輯及說文校字錄小學劄記夜餘錄思問錄道光閒海疆警作英吉利考略

黟縣志

胡紹勳字文甫績溪拔貢舉孝廉方正以古學負盛名著有四書拾義易春秋論語學庸孟子各箋異

績溪縣志

胡源憲字監成績溪增生品端學粹著有尙書古訓爾雅字申孝經外史六經咫聞錄四書釋地纂

績溪縣志

胡霖浹字蘇亭績溪人有書三萬卷研究名物象數之學著有論語異文箋學庸淺解孟子劄記同縣有胡承澤字潤之歲貢亦治漢鄭氏學著有鄭氏易例四卷

績溪縣志

胡在田字雨公績溪人事親孝咸豐閒負母攜子避地遇賊乞

以身貸母子嗣達又乞以身貸父皆免旋絕粒卒在田潛心古

學著有毛詩鄭義發明八卷三禮鄭義通釋十二卷經典述聞

四卷雲軒別錄十七卷縣志補正癸甲紀事庚申忠義錄鋤經

堂遺集各一卷

績溪縣志

胡銘琦字又韓績溪庠生學問淵博以母老罷舉著有鄭氏易

旨四卷詩經箋證十卷三禮定義二十四卷爾雅規郭一卷說

文規許三卷快齋筆記四十卷惜分軒文集五十卷

績溪縣志

程誥字魯菴績溪舉人博覽羣書尤篤嗜毛詩著有詩經解注

八卷鳳山文集八卷雲广詩鈔四卷

績溪縣志

朱光闕字勳門黟縣諸生研究諸書尤專力朱子之學以忠信

爲用以孝弟爲本嘗誦孝經化及婦孺一號勉齋遂以名其集

黟縣志

程燮臣字理之黟縣增貢純孝安貧潛心程朱之學年十九割

股療父病晚號居易山人為書三種曰導我先路曰順理則裕

曰童子必讀書皆發明理學維持禮教之言黟縣志

章遇鴻字可儀績溪舉人官德興知縣邃於箋疏之學旁通六

書音韻著有周易管窺十二卷附易緯正譌二卷毛詩蠡測二

十九卷鄭氏詩譜考源一卷說文正譌三十二卷三國志地輿

考五十六卷同時有歲貢周成字志甫淹博精覈與遇鴻並為

胡林翼曾國藩所重著有經史麻算績溪縣志

洪嘉木字巽甫祁門庠生蚤歲讀書治漢學中年研究宋五子

性理書言行一準聖賢所注四經論孟二戴禮未成惟輯有孝

經章句夏小正攷經孔子三朝七篇祁門縣志

余龍光字黼山婺源人道光乙未舉人江蘇婁縣知縣署崑山

捐賑水災多所全活署元和勸增豐備倉田八千餘畝署青浦

有

至聖衣冠墓援案請給奉祀生勸捐田畝為祭掃費并倡庭聞書

院檢治匪類徐澱論如律續緝匪黨周立春未獲因罷官其祖

元遴為汪紱弟子以理學稱龍光蚤歲讀王陽明書後乃淵源

家學潛心程朱之書以居敬窮理力行為宗旨著有廣唐書三

十卷朱子祠祀考元明儒學正宗錄表章儒碩錄各二卷吳康

齋學案汪仁峰學案各一卷仁峰年譜二卷汪雙池年譜四卷

經學管窺六卷文集二十四卷詩集七卷外集六卷又有溫故

一得學古彙鈔短檠餘墨讀史劄記枌榆雜述忸存稿拙翁家

訓論文彙語八種都六十三卷凡龍光所著書百五十卷婺源縣志

年譜

重修安微通志卷二百二十八

人物志

儒林三

甯國府

宋孫自修字敬夫宣城人從朱子遊朱子嘗貽書商推傳訓朱子既卒自修追記池錄一卷附載語錄其弟自新自任亦同受業朱子之門時正學久衰自修兄弟獨知尊嚮一時極推重之又朱子實紀中載有門人孫自修甲寅問答朱子語錄萬姓統譜

胡鼎金字貴剛宣城人究心易學嘗作三陳九卦說曰文王九卦之取上經取其六取履於乾先天之乾所以父巽離兌於上者敘倫於履矣取謙於坤先天之坤所以母震坎艮於下者敘倫於謙矣復卦乾陽反動於坤陰之下復禮為人之本也而三

才之道備矣六卦之取於下篇至於巽以行權而聖人之用意
微矣語見徽朱升周易注甯國府志

吳柔勝字勝之宣州人幼聽其父講伊洛書已知有持敬之學
登淳熙辛丑進士調都昌簿差嘉興教授御史湯碩劾柔勝救
荒浙右擅放田租為趙汝愚收人心且主朱氏之學不可為師
儒自是閒居十餘年嘉定初歷遷國子正以朱子四書與諸生
誦習講義策問皆以是為先於是士知趨向伊洛之學晦而復
明再遷司農寺丞出知隨州收土豪孟宗政扈再興隸帳下後
皆為名將立軍曰忠勇營器械悉備改湖北運判兼知鄂州
大講荒政十五州被災全活無算官終祕閣修撰奉祠卒諡正
肅宋史本傳

元左繼樗字芳遠涇縣人博學明經任安慶路教授嘗讀康節

擊壤集歎曰人不見此書則心不通大改錢塘令固辭不獲乃
赴官未旬日即移疾歸築精舍曰隱齋終日危坐手持大易性
理諸編推究性命之學嘗語其子曰顏子不改其樂何樂也孟
子善養浩然之氣何氣也學者多稱述之江南通志
明左輔字弼子涇縣人宏治丙辰進士知浮梁縣中使擾密廠
民大亂輔開諭禍福始解散因請撤密使忤中貴調景陵有能
聲遷瑞州府同知逆奄劉瑾遣籍黃侍郎家備極慘酷輔恤其
孥坐謫南安教授再謫南城訓導瑾誅起知甯州謝病歸以著
述自娛晚玩太極圖說充然有得著周易本義附說太極後圖

南庠日講等書一統志 萬姓統譜 經義考

董傑字萬英涇縣人成化丁未進士方謁選時暑月輟講經筵
傑繼御史湯鼐抗疏爭言甚激烈除沔陽知州值歲旱捐租賑

重刊安海通志卷三十一
之民賴更生會四川饑中書舍人吉人薦湯鼐及壽州知州劉
槃可使主賑御史魏章陳璧等希閣臣劉吉指言鼐槃及主事
李文祥庶吉士鄒智知州董傑皆黨人相標榜毀時政遂逮傑
等下獄賴尚書何喬新侍郎彭韶等力持之傑得謫四川行都
司都事署邛州及松茂州歷遷保定知府淹獄千餘人甫半月
剖決殆盡練兵儲粟其後霸州盜起以有備無患民立生祠祀
之累升河南左右布政巡撫江西時宸濠反形已具傑拒其餽
遺諷以忠義濠知不可奪因畱傑飲毒之次日歿徧體皆赤貧
不能發喪有司啟視其篋白金不盈兩尋賜祭葬所著有八士
辨五城集其兄剛字萬紀成化壬辰進士官雲南按察司僉事
居官廉潔以學行稱明史湯鼐孫燧傳江
西通志江南通志
吳宗周字子且宣城人少孤以篤孝旌於朝成宏治丙辰進士

方觀政御史黃山給事中龐泮以言得罪抗疏救之出守臨江
首重師儒爲學舍聚生徒講習數年民知禮讓郡中稱治平生
實踐躬行非徒高談性命著有廣崇正辨諸書學者稱石岡先

生

一統志江西名宦
史本傳江南通志

梅鶯字致齋旌德人正德癸酉舉人著有尚書譜尚書攷異力
攻古文之僞初朱子嘗疑古文吳澄繼之至鶯始大放厥辭近
閻百詩作尚書古文疏證惠棟作尚書古文攷皆原本於此書
又所著有春秋指要儀禮翼經太元圖注等書四庫全書提
要經義考
張榮字士儀涇縣人五歲授書卽能行雞鳴盥漱之禮十歲徧
治諸經究心時務觀書獨得大旨尤長於易歐陽德爲南祭酒
往從之遊以名節道義相劇切又從鄒守益錢德洪王畿講學
事母至孝卒後廬墓三載創建水西書院多延名儒主講由是

水西之學名天下

一統志 江南通志 甯國府志

貢安國字元略宣城人窮究性命由明經司訓湖口嘗主白鹿洞書院門人錄其所傳安國見之題曰學覺窺斑後知東平力行所志學者咸尊嚮之

江南通志

汪景字希道南陵人少好讀書已而歎曰日記萬言徒增耳目障耳於是一意於文行交致之功從湛若水游鄒守益錢德洪咸以畏友目之以舉人為嘉興汝甯推官不避豪右未幾乞歸見一時學者多宗虛無之教每言聖門之學以實踐為功真知為貴作良知辨讀陸子集辨等書皆有功斯道云

江南通志

戚袞字補之宣城人以歲貢知項城縣潔己愛民歸而講明理學貢安國極推重之以為宣城講學之風自袞始

甯國府志

沈寵字思畏宣城人嘉靖丁酉舉人知行唐縣民不知織紉為

造機杼教之調獲鹿興農桑修禮教盜賊衰息擢監察御史出按福建所部郡佐怙時宰姻婭恣黷斥之坐此左遷湖廣兵備僉事會劇寇鄭剪鈔掠旁郡寵破平之建崇正學書院延名儒講學遷廣西布政司參議以母老告歸寵少從鄒玉講良知之學及歸又與羅汝芳梅守德交相切劘學者稱古林先生著有

古林摘稿

一統志 明史田一傳

查鐸字子警涇縣人祖漢性慈厚雖蟲蟻不忍傷鐸少即篤志正學成嘉靖己酉進士授德安推官入為刑科給事中忤高拱意遷山西參議有妖似獼猴能人言眾惑之鐸下教驅遣妖謝去曰查公正人不敢犯也升廣西兵備副使移疾歸繕水西書院講王畿錢德洪之學後進多歸之所著有闡道集二十卷年

七十四卒祀鄉賢

一統志 明史蕭涇縣志

翟台字思平涇縣人嘉靖己未進士授長沙推官務先教化明

正學除強暴革宿弊理冤獄升南車駕司主事尋告歸偕同志

興復水西書院發明姚江之學而不專主良知之說所著有考

溪集水西答問諸書甯國府志

施宏猷字允升宣城人少受業陳履祥得羅盱江之傳日聚同

人講學其叔祖無嗣遺產千金捐為義田以贍宗族嘗建六邑

及南都十四郡大會興起者眾所著有同仁語錄性善太極諸

編鄒元標為作傳焦竑誌其墓甯國府志

余珊字廷甫甯國歲貢師事錢緒山鄒東廓講良知之學嘉靖

間歷任甯陵汶上武定各學官潛心性理士深瞻仰致仕歸誘

進後學講論不輟邑人化之卒祀鄉賢祠甯國縣志

趙仲全字文質涇縣人少讀宋儒書歎曰道在是矣即棄諸生

業隱居教授所著有道學正宗錄十八卷語錄二卷及易學洪

範朱陸異同辨諸書年八十八卒學者稱梅峯先生四庫全書提要甯

國府志

杜質字惟誠太平人從錢德洪王畿游多所指授時張居正禁

講學質談論自如曰彼禁者偽耳吾自真也但易其名為申明

鄉約著有明儒經翼甯國府志

何燮字贊元南陵人游於歸有光之門歸而聞鄒守益錢德洪

講學涇縣水西率其徒往師之生平恥事浮名學務實踐不肯

作淪虛蹈空之習甯國府志

楊遜字子順甯國人初以習靜操持為功後師陳九龍陳令自

識其心受所著九經翼久之覺心體自然神智開朗著有就正

言二卷人稱懷鳳先生甯國府志

蕭良幹字拙齋涇縣人性至孝母病衣不解帶者累月成隆慶辛未進士授戶部主事權稅崇文河西斥羨金無所取遷紹興知府修三江閘築海塘復嵇山書院與士大夫講學歷升陝西左布政裁抑鑛稅二璫所部以安著有天逸閣集子思似字若拙以舉人累遷戶部員外郎出守江西廣信致仕歸思似少師顧憲成其言學病黃勉齋之窮索顏山農之放縱而以誠明二語為梯航所著有環翠樓和鳴集

一統志 江南 涇縣志

徐榜字薦所涇縣人萬曆時選貢廷試第一神宗御批云天下文章當以徐榜為式癸未成進士授虞衡司主事仕至浙江右布政致仕歸聚徒於水西書院宗法濂洛所著有白水集

江南 通志

蕭雍字慕渠涇縣人萬曆癸未進士除工部主事出為江西參議轉浙江副使督學政尋致仕歸以薦起廣東副使晉按察使復乞休講學水西宦績亞於兄彥而學過之所著有水西會語

赤山會語

明史蕭彥傳 涇縣志

鄭岱字維宗涇縣人少慕王文成之學二十年無所入偶一友述許魯齋言千百人中常知有己欣然會心遂用力於此著有自言草又有同在水西講學者俞堂官楚府紀善著有楚錄翟祐出湛若水之門著慎獨說石川集

甯國府志 涇縣志

汪有源字惟清太平人少聞講孝弟章即喜謂孝弟我分內事後師祁門陳九龍在金陵數與焦竑鄒元標楊起元高攀龍會講平易近人學者皆以為如坐春風中稱為崑一先生

江南 通志

孫經字阿麟宣城人弟緯字季昭一乳所生也同師陳履祥以學相砥礪時多言無善之善是為至善緯力辨之以為此告子之學性至孝母卒廬墓著有廬中言三卷緯先卒經益自勵著

有語錄四卷又同邑王念祖字台文亦從陳履祥學多所講明
卒年八十猶手著周易不輟甯國府志

呂堅字定夫旌德人隆慶間以選貢判廣信府遷桂林同知忤
朝貴左遷周藩長史引疾歸年九十卒堅師事呂見羅與施宏
猷講學不懈歷官循謹廉明私居必整衣冠一時士大夫極推

重之甯國府志

邵汝行字季躬太平人性孝友侍母疾不解帶兄病疫左右調
護生平以理學自任五松陵陽新安仙源會講不輟與焦竑尤
相契合挈其子樸元從學樸元登鄉薦能世其家甯國府志

周志乾字釀元太平人勵志砥行嘗言學以靜悟為要構止園
以居默坐有得欣然而起一切世事皆屏絕不以櫻心同族周
萬年字世德怡曾孫也以紹先業明古學為務舉孝廉方正辭

不就邑中事有可裨教化者皆振興之疾劇來問者但與之言
學不及後事甯國府志

胡泉字白水太平人以孝友聞闡明正學羽翼程朱所著有松
巖集四書辨訂諸書甯國府志

汪尚謙字敬齋太平人嘗手訂易經祕旨一書為一時所珍崇
禎間舉孝廉方正不就明亡獨居小樓惟沈壽民來則開扇延
之與論心性之旨甯國府志

沈壽民字眉生宣城人寵之曾孫也崇禎九年巡撫張國維保
薦入都疏劾楊嗣昌奪情復攻熊文燦言嗣昌挈軍旅權付文
燦乃講明結約若與國然天下有授柄於賊而能制賊者乎疏
畱中不報黃道周歎曰此何等事在朝者不言而草野言之乎
當是時壽民名動天下未幾移疾去講學姑山從游者數百人

福王時阮大鍼用事銜壽民劾嗣昌疏有大鍼妄陳條畫鼓煽
豐芑語必欲殺之乃變姓名避之金華山後歸足不履城市者
三十年臨終諭門人施閏章劉堯枝等曰以此心還天地以此
身還父母以此學還孔孟語畢而卒一統志 明史田一
儒傳 甯國府志
國朝梅文鼎字定九宣城人與弟文鼐文鼐共習臺官交食法著
天學駢枝值天學書之難讀者必求其說以考經史至廢寢食
人有問者詳告無隱所著天算之書八十餘種康熙開明史開
局其天文志文鼎摘其譌舛五十餘處成明史志擬稿三卷二
十八年至京師李光地屬其薈萃簡要使人共得門戶以大顯
此學因作天學疑問三卷四十二年

上南巡有

旨取文鼎書光地以天學疑問進

獎諭有加四十四年

上南巡

問宣城處士梅文鼎者今焉在光地以尙在臣署對
召見舟中從容
垂問至於移時

特賜績學參微四大字平生所著書柏鄉魏荔彤纂刻二十九種其孫
穀成謂爲未善別加編次名梅氏叢書輯要總二十五種六十
二卷六十年卒年八十九文鼐與兄共著步五星式六卷文鼐
有中西星經同異考一卷一統志
甯國府志

施閏章字尙白宣城人祖宏猷以儒學著世紹其業當世言家
法者推施氏閏章少孤事叔父譽如父少受學於沈壽民成順
治己丑進士授刑部主事歷員外郎引經斷獄期於平允擢山

東學政遷江西參議分守湖西道吉臨袁三州歲凶多盜拊循
有方境內帖然人稱施佛子戒溺女築潰城建書院勤考課禱
神而虎患弭講學而閭牆化以缺裁歸士人建龍岡書院生祀
之己未歲

召試博學鴻詞授翰林侍講纂修明史辛酉典試河南轉侍讀尋病卒

閻章學以體仁爲本嘗語人曰一刻不見己過便絕聖賢之路
詩與宋琬齊名人稱之曰南施北宋不知其學有本源深入先
儒閻奧非僅以詞章著也所著詩文雜集共百十卷

一統志
甯國府志

吳肅公字雨若宣城人少年從其叔父垌學又游於沈壽民之
門垌棄諸生肅公亦鍵戶不應試力窮聖學闢異端著正王論
以辨姚江之傳其大旨謂傳注者聖人之教之所寓以明也陽
明悟而異之自謂得性天之妙卒之言天愈渺而見性愈微比

於釋氏而弗惜也所著有街南集

甯國府志

吳士品字孟修宣城人少從艾南英受朱子全書性至孝居父
喪寢苦枕塊服制儀制一遵家禮母卒亦如之六年如一日時
學者方溺於靜坐冥悟之說作辨惑論以闢之蒼萃經傳鈎考
異同著書數十卷稿數易而後成尤謹於禮儀凡將出帛必先
卻酒肉而後往人化其誠

甯國府志

姜安節字勉中本萊陽人父塚前明給事中以直諫謫戍宣城
謂安節曰死必葬我於宣君命也遂爲宣城人焉少穎異顛沛
中不廢學杜門學道不求仕進初亦宗良知之說既而精思有
悟遂力主孟子以性善爲宗仁義爲要父執熊開元欲援之學
佛與談論累日始歎服去學者稱茲山先生

甯國府志

汪越字思退南陵人康熙間舉人所著有綠影草堂集其讀史

記十表病史家表經緯相牽可以考證而不可以誦讀學者往往不觀因排比舊文鉤稽微義一筆一削務以春秋書法求之訂訛砭漏所得殊多平生茹苦不肯干謁行社倉於里中請官給印簿而自謹其出入可爲法式焉四庫全書提要甯國府志

趙青藜字然乙涇縣人乾隆丙辰會元選庶常授編修改江西道監察御史以艱歸起補山東道兩典浙江試一典湖南試稱得士在臺中五年章凡數十上如請清屯田以歸運丁弛米禁以濟民食仍耗羨歸公興西北水利皆有關於利病又請止開捐

御批此本亦有所見後

命查賑山東還以耳病乞休年八十二卒生平文宗昌黎詩兼韓杜涇前輩爲學皆主姚江王氏而青藜獨誦法程朱作正論八篇大

旨謂心所知者義理至於愛敬之節禮樂之度名物象數之繁

雖聖人不能逸獲其言甚明所著詩文集五十餘卷讀左管窺

二卷門人私諡曰文毅先生行狀 洪亮吉所作墓誌

趙良燾字肅徵青藜第四子乾隆乙卯進士授中書性孝友幼

侍父讀書恪奉庭訓但以行誼爲先不以科名爲急初丁內艱

勺飲不入口者數日三兄皆前卒惟與弟良燾疊侍父左右夜

則聯牀以伺寢息不敢離父卒泣血三年旣免喪猶蔬食笑不

見齒癸丑入都罷歸而良燾復病不起益感傷不欲赴試以族

眾共勸乃復入都得雋年五十餘矣嘉慶戊午充廣東副考官

旣復

命決計乞休大學士董誥堅留之不得願謂同列曰趙君今之學者去

可惜也旣歸杜門教授一意著述年七十四卒所著有讀春秋

讀詩讀禮讀易讀書及詩古文集凡數十卷行於世涇縣志兼採行狀

以上舊志

朱琦字蘭坡涇縣人人生三年而孤祖命為季父後嗣母汪未婚守志琦孝事之與生母同昆弟均相友愛成嘉慶壬戌進士未散館與

幸翰林院柏梁體聯句宴授編修官至翰林院侍講直

上書房屢蒙

宣廟嘉獎有品學兼優之

褒告養歸植品敦俗獎誘後進歷主鍾山正誼紫陽書院造就甚多著

有小萬卷齋詩文集七十卷說文段借義證二十八卷經文廣

異十二卷文選集釋二十四卷輯有

國朝古文彙鈔二百七十二卷

國朝詁經文鈔六十二卷卒年八十二祀蘇州五百名賢祠涇縣志

梅曾亮文集以下新修

胡承瑛字景孟涇縣人嘉慶乙丑進士由編修歷官給事中陳奏多切中時病授建延邵道調臺灣道擒海盜張充等加按察使銜引疾歸里自奉極儉而邑中事多樂捐助著有儀禮古今文疏十七卷小爾雅義證十三卷毛詩後箋三十卷爾雅古義二卷求是堂詩集二十二卷奏議一卷文集六卷駢體文六卷

涇縣志

包世臣字慎伯涇縣舉人官新喻知縣學問精博淹貫經史文筆古雋兼工書法為當世所推服著有安吳四種倦遊閣文集類關體國經野之務涇縣志

胡世敦字兼山涇縣舉人官陝西知縣有治行解官歸主講旌

重修安徵通志卷三十一 人物志 儒林 富國府

德書院以經術訓士著有周禮要義逸周書解五石瓠齋詩文集卒年九十二

涇縣志

趙紹祖字琴士涇縣廩貢官滁州訓導道光元年舉孝廉方正純孝性成居喪盡禮晚年主講書院以敦行植品訓迪後進著有古墨齋十五種其進呈

御覽者

涇川叢書金石文鈔新舊唐書互證考歿祀鄉賢祠

涇縣志

崔預字晉元太平舉人博學強識於正蒙或問尤多心得著春秋擇傳兼取胡說附案與經旨發明別著易鑑四書考上江文獻錄又號師水有師水齋詩文集

太平縣志

呂飛鵬字雲里旌德諸生年十七出游從師最後從凌廷堪學治禮經廷堪器之著周禮補注四卷周禮古今文義證六卷平居書齋閣自銘誠粹然出於儒先道學鄉饑籌粟倡賑人多德

之有爭辯一言立釋嘗戒其子賢基曰成名易成人難又曰言

官不易為毋陳利而昧大體毋挾私而務高名其本行如此賢

基卒以忠節著

梅曾亮文集案呂雲里墓誌梅曾亮文集但稱其字今據旌德志封廕補名

左暄字春谷涇縣拔貢任蒙城教諭造就多名下士晚勤著述

獨標精義著有三餘偶筆十六卷續筆十二卷瓶管記疑六卷

五經文字考異二卷性道闡言二卷涇志刊誤補遺四卷對湖

軒雜詠芳巖文鈔各四卷年九十一卒祀水西書院同縣有增

貢王衡字湘九事父以孝聞著有周禮釋義儀禮釋義亦祀水

西書院同姓有左佐字良孚著四書異義述二十五卷周易異

義述十三卷說詩古訓三卷

涇縣志

翟漱芳字潤之涇縣舉人舉孝廉方正任廣德州學正訓士以崇正黜華為本著有周易釋例四卷四書惟是錄三十卷羣經

句讀異同二卷尊聖釋疑錄二卷字學形聲隨辨四卷正聲集四十六卷桃花潭稽言四卷藝圃禮記一卷芸樓隨筆一卷仰山堂詩文鈔三十二卷又著有

文廟通考一書

涇縣志

崔憲意字崑泉太平舉人幼孤事母孝以禮自持有拒奔女事潛心宋五子書著四書口義困學錄呂賢基稱為有本之學母喪三年不歸寢嘗言為儒之道在實行最得力一恕字因以如心顏其室學者稱如心先生

太平縣志

王祥儲字子餘太平縣舉人幼以古賢哲之學自期壯歲失恃哀毀骨立弟歿撫其子如子族戚有不給者竭力周濟咸豐初同杜作舟方昭文等在籍團練以勞績官江西知縣代理南昌同知務以德教化民於倫紀開尤不憚反覆告戒補樂平縣未

任卒

太平縣志

池州府

宋王鑑字時可石埭人紹興戊午進士授興國軍司務高宗以時事召對稱旨累擢監察御史有風力歷中書舍人兼直學士院侍講鑑素通經術善訓導高宗為吳后家置大小教授以鑑領其職其所撰咸里元龜為后家起也又著春秋門例通解及易象寶鑑諸書

萬姓統譜 江南通志

明李呈祥字時龍貴池人以歲貢赴廷試後即告歸築一軒自署曰尚志日端坐其中研經味道嘗謁王守仁於江西辨析同異深契良知之旨歸而教授何喬丁旦皆其入室弟子郡守屢薦其文行公卿皆敬慕之所著有古源日錄知行二論

江南通志

江學會青陽人王守仁至九華學會從之遊與聞良知之旨及

湛若水講學南都復從受業同邑施宗道亦受業於王湛之門
與學會同建甘泉書院於九華聚徒講學一時稱盛學會後以
歲貢官岷縣訓導遷新建教諭池州府志

呂一麒字虞田貴池人少師李呈祥後從王畿鄒守益遊步趨
繩墨一介必嚴以歲貢歷訓導教諭後爲沂州學正所至講學
教化大行池州府志

王世祿字南溪青陽人學宗良知聚徒於九華李白祠講學所
著有語錄及南溪遺稿同邑何璧師事鄒守益王畿亦見稱於
耿定向著有人物志九華山志又吳邦治亦學宗守仁時甚重
之池州府志

劉織字章甫青陽人幼師吳邦治後聞羅汝芳查鐸深得守仁
之旨往受業焉於是領悟其要以主靜爲功嘗訓其子光復曰

勿以鼎鐘鑠性命勿以鋸鑊疚身心蓋得於良知者深同邑方

繼之字文坡亦深徹良知之旨著有語錄若干卷池州府志

桂大榿字珍吾石埭人築古一山房閉戶終年研究性理與同
志講程朱之學同邑陳一敏字少竹篤信良知之說與友畢似

範立館祀守仁皆篤行儒也池州府志

施達字下之青陽人研精理學不應科舉隱天柱峯一門之內
家人應對起居悉準內則曲禮傳經講學聽受者常數百人稱

天柱先生崇禎九年尙寶卿張瑋以隱士薦不赴卒其門人卽
天柱講堂祠之著有讀書知易信序卦雜卦圖解儒行注孝

經注同邑陳自藻沈元復皆學於達爲入室弟子元復嘗論返
博歸約之旨學者宗之又嘗詣臺使者條上採鑛崇妖媚竈諸

弊皆有關風教之言江南通志
池州府志儒林

曹參芳字曰贊貴池人性孝友博學砥行史可法程世昌皆稱
其有經世之學常居桐川與同志闢發心性之奧尤精於易皖
江培元書院初建嘗主講會學者稱心易先生池州府志
以上舊志
國朝楊摛藻字樸菴石埭人道光戊戌進士官刑部主事迎父就
養凡七歲親屬二十二人畱家父日念之摛藻遂乞養歸旋居
父憂有厚幣求壽序者不可軍興辦五縣團練沈祖懋張芾欲
上其功不可其後張芾保升員外郎曾國藩保加四品卿銜皆
俟得請迺使知之勝保嘗受業於摛藻之門及以大臣柄兵書
幣遠至摛藻但誥誠謂誠敬則智勇生縱肆則禍敗應宜夙夜
兢懼此外無他言歷王講院南北書院以先行後文為教不立
講學名而躬允蹈之律已潔清和而能介粹然儒者有兵事論
言時事書在所著敬修堂古文中卒年六十四照軍營病故例

贈光祿寺卿銜廕子知縣同治十年奉

旨祀鄉賢祠

石埭縣志
柏堂文稿

方宗誠
新修

太平府

吳唐固字子正丹陽人修身積學稱為儒者著國語公羊穀梁
傳注講授常數十人權為吳王拜固議郎自陸遜張溫駱統等
皆拜之黃武四年為尚書僕射卒年七十餘三國志關澤
吳錄
唐張惟儉當塗人精左氏穀梁春秋舉進士歷和州刺史與侍
御柳鎮友善鎮子宗元作先友記記父諸友皆天下善士惟儉
與焉柳柳
州集

宋王逢字會之當塗人博學善文長於講說教授蘇州學者常
數百人晚始登第歷官國子監直講以太常博士通判徐州卒
逢為人樂易篤於朋友與胡瑗最善喜著書有易傳十卷乾德

指說一卷復書一卷宋史本傳

陶熾字茂叔蕪湖人祖賜號敬齋從朱子游朱子為作敬齋銘熾幼承家學紹定二年成進士居官平易意常泊如景定初以中大夫直徽猷閣提舉建康崇禧觀講學東川書院卒諡文簡太平府志

元姚和中當塗人世為儒家徵召不赴一時從遊甚盛如婺源汪澤民同邑李習李翼皆其弟子明宋濂跋姚氏墓銘述李翼之言曰當塗有四清徵君者碩士也四清蓋和中別號宋學士集

南通志

明李習字伯羽當塗人治尚書旁通諸經延祐四年領鄉薦授書院山長太祖渡江習偕其門人陶安迎謁年已八十餘矣即以為太平府知府卒於官弟翼字仲羽兄弟齊名江左稱為二

李吳萊稱習之文簡密嚴與翼之文豐腴縵麗習有橄欖集五

卷翼中延祐七年浙江鄉試官教授早卒子洙字宗泰學純行

端為余闕所禮重洙弟汶字宗茂明初召為史館編修與修元

史兩典文衡出為南和令有善政明史陶安傳 江南志

張堅字彥誠蕪湖人永樂中進士選庶吉士讀書中祕得朱子

勿欺二字歸以顏其室因號勿欺改知縣告歸非正人不交非

經史不讀刻志求合於聖賢訓誨後學惟以正心誠意為宗旨

卒年八十一江南舊志

謝理字一卿當塗人成化壬辰進士以養親不肯出仕昏定晨

省湯藥親嘗嘗搆一室扁曰浩然著有周易春秋解東岑筆記

前思錄東園集諸書江南通志

葛環字惟敬蕪湖人讀書不廢寒暑尤研精性理性至孝事嫡

母如所生所著有學庸口義正蒙合注諸書太平府志

韋學仁字春麓蕪湖人潛心慕道不事舉業所撰碑銘詩記甚

富晚精易理著上下解義萬餘言卒年八十三太平府志

夏廷美字雲峯繁昌人耕田自力孝友忱恂甌山張緒招與講

學一日緒命眾曰夫學學為人也為人須真毋假廷美憮然內

省曰吾得無真耶益自刻責已從焦竑游漸知向裏自謂其胸

中書然如洗云卒祀金陵理學祠江南舊志

王磐字晨岡游於湛若水之門遂以斯道自任郡縣訪謁不得

見學者稱晨岡先生太平府志按縣分未詳

陶天允字汝健蕪湖人以歲貢授知縣未任以病終生平以窮

理明道為己分內事著四書易經解太平府志

從任字子美繁昌人精研性理與耿定向焦竑張緒為莫逆交

倡道東南學者稱仁齋先生構藏書閣聚數萬卷淹貫博洽於

天官律運戰陣醫藥奇門六壬皆得其要所著有古文箋釋教

家二錄等書太平府志

國朝王風字便朴當塗人潛心理學積數十年危坐會講常數十

人風雪不輟施閨章寓書謂其所宗與尊德性而道問學相合

非徒託空言者著丹湖天門諸語錄及詩古文行世太平府志

葛之崇字維嶽當塗人少潛心宋五子書講學於池上之當仁

館著述甚富自知死日至期沐浴而逝同邑王學伊字景山力

學稽古著聖學王道全書江西涂孝感嘗以進

呈又著大易微言二十卷太平府志

耿之珽字搢玉當塗人精易理不入城市者二十年著易理十

二卷同邑陶制宜精研宋五子書尤粹於易著有學庸粹言太平府志

府志

張明象字懸湛蕪湖人康熙時歲貢其為人靜深有本博通經史晚年益究心程朱通易理著九經晰疑八卷周易上下卷行

世太平府志

王天祚字卜年蕪湖人以歲貢訓導崑山構與成堂講學刑部尚書徐乾學極推重之著有管窺錄四書辨真槐蔭草行世同邑朱履素字行初經史子集靡不淹貫明顧錫疇嘗欽其學業以為前賢當畏後生晚年尤耽於易著有易解及續枕香亭詩集太平府志

徐文靖號位山當塗人雍正元年舉人乾隆初薦舉博學鴻詞未入格十七年又薦舉經學

特授翰林院檢討文靖精於地理著山河兩戒考十四卷又因胡渭禹

貢錐指而推其所未至為禹貢會箋十二卷又撰周易拾遺十四卷主程傳而亦發明漢魏諸家其管城碩記三十卷推原諸經以及子史說部郵人全祖望極服其考據精博又有竹書統箋十二卷及皇極經世等書並詩賦集若干卷年九十餘卒四庫全書提要 太平府志 以上舊志

趙萬隆字東田當塗舉人尚書朱珪重其品學禮為子弟師珪主會試萬隆避嫌歸里閉戶著書以終當塗縣志 以下新修

朱敏聞字衣言當塗歲貢嚴氣正性學有根柢及門成名者甚眾尤樂行善事鄉里化之著有退谷詩文集當塗縣志

夏鑾字德音當塗人少孤母李氏守節教養由優貢教習知縣改選徽州府訓導迎養數年告歸服闋再選原缺先後在徽十有四年專務篤行嗜程朱之書訓士極嚴有屈辱則必為直之

嘗謂士習宜整頓士氣亦宜培養也府有兩紫陽書院久廢弛
變為清積弊裕膏火又每歲與同官捐施棉衣給貧者士民皆
德之在家倡置義田義倉積育嬰資變通古法以籌久遠年七

十解官歸卒祀徽州府名宦當塗縣鄉賢祠當塗縣志

芮曰松字次喬當塗舉人官廣西宜山知縣裁汰陋規尤良折

獄罷歸主講翠螺書院闡明經義精考音韻著有禹貢地理今

釋當塗縣志

曾美基字養禾當塗舉人歷任盱眙宿松教諭沖和廉謹生平
無疾言遠色司鐸十餘年力興文教解任後主講翠螺書院當塗縣志

縣志

李獻猷當塗歲貢品端學粹經史外兼通音韻算學悉由心得
動與古會子光沁庠生能世其句股法當塗縣志

夏忻字心伯鑾長子由舉人校錄官吳江婺源教諭保升內閣
中書四品卿銜生平服膺朱子以平湖陸氏之學為歸著有景
紫堂全書十七種同治開門人侍郎胡肇智以十六條附律易
解檀弓辨誣述朱質疑三種進呈

御覽奉年屆耄耋篤學不倦之

諭著武英殿將所繹

聖諭十六條附律易解刊刻頒發其在婺源借籌保障別有儒林亦政

編二冊為及門所訂當塗縣志

夏炯字卯生鑾次子少承父學兄弟互相師友治諸經注疏旁

及六書音韻嘗著禮志屬草未定父喪乃體玩宋元明以來諸

大儒之書發旨趣辨誣謬粹然一軌於正其於經世之學如選

法河務釐政諸議論者皆許之著有夏仲子集當塗縣志

重修安徽通志卷二百二十一
人物志
儒林
廬州府
漢許子威廬江合肥人為中大夫光武少時從受尚書
宋楊傑字次公無為人少有名於時元豐中舉進士數任太常
一時禮樂之事皆預討論嘗議僖祖配帝及四后升祔之禮從
之范鎮樂下太常傑上言元豐中詔范鎮劉几與臣詳議郊廟
大樂既成而奏稱其和協今鎮新定樂法頗與樂局所議不同
因著元祐樂議以破鎮說後鎮樂卒不用官終兩浙提點刑獄
著有文集二十卷樂記五卷

重修安徽通志卷二百二十一

人物志

儒林

廬州府

漢許子威廬江合肥人為中大夫光武少時從受尚書

章懷太子後漢

善注引東觀記

宋楊傑字次公無為人少有名於時元豐中舉進士數任太常

一時禮樂之事皆預討論嘗議僖祖配帝及四后升祔之禮從

之范鎮樂下太常傑上言元豐中詔范鎮劉几與臣詳議郊廟

大樂既成而奏稱其和協今鎮新定樂法頗與樂局所議不同

因著元祐樂議以破鎮說後鎮樂卒不用官終兩浙提點刑獄

著有文集二十卷樂記五卷

宋史本傳并樂志

明蔡悉字士備合肥人嘉靖己未進士授常德推官築郭外六隄以免水患擢南吏部主事累官尙寶卿移署國子監嘗請立東宮又極論礦使之害有學行恬宦情仕五十年家食強半清操亮節淮西人宗之著有先後大學解御製敬一箴解明史王畿傳

江南通志

胡鐸字君求舒城人孝友直方廬父墓三年當塗交薦後開輔仁講會闡明正學四方就教者以千數明史孝義傳敘江南通志

沈桂字仲木無為人潛心理學從湛若水鄒守益往復論難後成嘉靖丙戌進士知鄱陽縣調會昌撲滅山寇有功升工部主事忌者誣以黨籍未赴任卒著太極圖說及詩文等集廬州府志

張綸字廷言無為人博通五經尤邃於春秋潛心正學洞達天人之蘊力攻釋老毅然不惑於其言著有林泉隨筆明史藝文志無爲

州志

李錢字華仲巢縣人天啟時舉人崇禎閒廬鳳災荒錢以謁選人都慨然具疏請加賑恤署沂州學正著有四書講嘯月集南

通志

國朝黃中字平子舒城人順治丁酉舉人不求仕進惟一意讀書輯程朱語錄年譜方輿紀要著有雪瀑集論文瑣言廬州府志

黃位中字其相廬江拔貢爲學不事章句務在闡明經學常端坐深思達旦不寐文章古茂偁秦漢而醇和淵雅得之聖經爲多所著有十七史考證或問語類性理諸書注釋及素菴等集廬州府志

宋衡字伊平廬江人康熙乙丑進士選庶吉士改編修歷官侍讀學士韓菼見其文擬之葵陽具區丙子典試滇南稱得士視

學西蜀振拔孤寒嘗纂修顧憲成張柔等傳時稱實錄又嘗為明末死難張宏任請祀名宦為死難呂學望立傳增入邑志於表揚忠烈尤汲汲焉

廬州府志

萬遇朝字鼎如巢縣人前明崇禎甲戌進士性孝友尤嗜學年八十手不釋卷所著有春秋幾鑿卓觀堂詩文等集解官後居里中獨任牛稅數十年里人感之無復屠牛者

江南通志 巢縣志 以上舊志

姚長林字毅甫廬江諸生少孤事母孝乾隆乙巳歲饑疫作長林時年十四侍母疾終夜不眠晨出求醫藥枵腹行數十里經五十餘日始愈通易理能為古文辭尤好洛閩之學跬步必謹盛暑常正衣冠日記所為以自省察樂道人善不口人過族黨孤苦無依者宗祀中絕者孝子節婦未旌者竭力調卹繼續表

彰之教人必以禮法從學者甚多

方宗誠柏堂文集

所得館脩分濟窘

乏嘗助人殯婦費後知其紿轉加慰憫

廬江縣志 以下新修

具長矣

李廷耀字薦揚合肥廩貢課徒講畫無倦兄廷輝以舉人校錄畱京廷耀綜理衣食五十餘口家庭無閒言族有構訟者願得一言以解選阜陽訓導有持金求報王生劣者峻拒之而戒生毋健訟卒為善士著有學庸精粹禮記尚書釋義

合肥縣志

鳳陽府

漢施讐字長卿沛人為童子時從田王孫受易後徙長陵王孫為博士復從卒業謙讓常稱學廢不教授及梁邱賀為少府迺遣子臨分將門人等從讐問讐自匿不肯見賀固請不得已迺授臨等於是賀薦讐結髮事師數十年賀不能及詔拜讐為博士甘露中與五經諸儒雜論同異於石渠閣讐授張禹禹授沛

戴崇子平崇至九卿漢書本傳

高相沛人治易其學亡章句專說陰陽災異自言出於丁將軍

傳至相相授子康康以明易為郎漢書本傳

鄧彭祖字子夏沛人受易於五鹿充宗為真定太傅漢書梁邱賀傳

翟牧字子兄受易於孟喜為博士漢書孟喜傳

朱普字公文九江人受尚書於平當為博士漢書林尊傳

唐林字子高沛人受尚書於許商王莽時為九卿與王吉自表

上師冢大夫博士郎吏為許氏學者各從門人會車數百兩儒

者榮之漢書周堪傳

唐尊沛人受尚書於張無故漢書張山拊傳

褚少孫沛人事王式問經數篇式謝曰聞之於師具是矣自潤

色之不肯復授褚應博士弟子摳衣登堂頌禮甚嚴漢書王式傳

張邯九江人受詩於潁川滿昌至大官徒眾尤盛漢書后蒼傳

陳俠九江人受毛詩於徐敖漢書毛公傳

聞人通漢字子方慶普字孝公俱沛人后蒼說禮數萬言號曰

后氏曲臺記授通漢普普為東平太傅通漢以太子舍人論石

渠至中山中尉普又傳族子咸為豫章太守漢書孟卿傳

蔡千秋字少君沛人受穀梁春秋於魯榮廣又事皓星公為學

最篤宣帝時為郎召見與公羊家並說上善穀梁說擢千秋為

諫大夫給事中左遷平陵令復求能為穀梁者莫及千秋上愍

其學且絕迺以千秋為郎中戶將選郎十人從受漢書瑕邱江公傳

嚴望九江人與兄子元字仲能受學於朱雲能傳其學皆為博

士望至泰山太守漢書朱雲傳

按漢沛郡治相九江郡治壽春江南通志於漢儒林傳所言

沛人皆入徐州府沛縣而於九江人概置不錄今從一統志
並載入鳳陽府舊志

祝生九江人昭帝始元六年詔郡國舉賢良文學之士問以民
所疾苦皆對願罷鹽鐵酒權均輸與御史大夫桑宏羊相詰難
至宣帝時汝南桓寬推衍鹽鐵之議著萬言其辭有曰九江祝
生奮史魚之節發憤懣譏公卿介然直而不撓可謂不畏疆圉
矣漢書傳贊
文獻通考

戴賓沛人劉昆受施氏易於賓教授弟子恆五百餘人後漢書
劉昆傳
桓譚字君山沛國相人博學多通徧習五經數從劉歆楊雄問
故辨析疑異世祖卽位徵待詔以宋宏薦拜議郎給事中因上
書陳時政所宜不省帝方信讖多以決定嫌疑又疇賞少薄譚
復上書言之帝愈不悅其後有詔會議靈臺所處謂譚曰吾欲

讖決之何如譚默然良久曰臣不讀讖復極言讖之非經帝大
怒將斬之久之得解出爲六安郡丞初譚著書言當世行事二
十九篇號曰新論世祖善焉其琴道一篇未成肅宗使班固續
成所著賦誄書奏凡二十六篇元和中肅宗東巡狩至沛使使
者祠譚冢鄉里以爲榮後漢書
本傳

謝曼卿九江人善毛詩迺爲其訓東海衛宏從之受學因作毛
詩序後漢書
衛宏傳

召馴字伯春九江壽春人少習韓詩博通書傳以志義聞鄉里
號之曰德行恂恂召伯春累仕州郡肅宗時拜左中郎將入授
諸王帝嘉其義學恩寵甚崇出拜陳畱太守入爲河南尹至光
祿勳卒於官賜冢塋陪園陵孫休青州刺史後漢書
本傳

桓郁字仲恩沛郡龍亢人榮之子也敦厚篤學傳父業榮卒當

龔爵讓於兄子汎顯宗不許乃悉以租入與之遷侍中帝自制
五家要說章句令郁核定於宣明殿入授皇太子經遷越騎校
尉肅宗即位遷屯騎校尉和帝時竇憲言郁白首好禮經行篤
備遷長樂少府復入侍講轉為侍中奉車都尉永元四年為太
常初榮受朱普學章句四十萬言榮減為二十三萬言郁復刪
省成十二萬言由是有桓君大小太常章句子普嗣傳爵至曾

孫後漢書桓榮傳

桓焉字叔元郁之仲子也明經篤行有名稱永初元年入授安
帝三遷為侍中步兵校尉順帝立為皇太子以焉為太子少傅
遷太傅即位拜太傅錄尚書事復入授經禁中封陽平侯固讓
不受歷官至太尉弟子傳業者數百人後漢書桓榮傳
桓彬字彥林焉之兄鄴孫也父麟字元鳳早有才思桓帝初為

議郎侍講禁中以直道悟左右出為許令母終不勝喪而卒所
著碑誄讚說書凡二十一篇彬少與蔡邕齊名初舉孝廉拜尚
書郎為中常侍曹節所怨竟以廢卒諸儒莫不傷之所著七說
及書凡三篇蔡邕等其論序其志有過人者四迺其樹碑而頌

焉後漢書桓榮傳

鮑駿九江人初與丁鴻共事桓榮甚相友善鴻讓封於弟盛不
報乃逃去與駿遇於東海佯狂不識駿駿讓之曰春秋之義不
以家事廢王事今子以兄弟私恩而絕父不滅之基可謂智乎
鴻感悟迺還就國駿亦上書言鴻經明行修志節清妙顯宗甚
賢之後漢書丁鴻傳

賢之懷太子注引續漢書

施延字君子沛國蘄人明五經星官風角靡有不綜家貧母老
常詣吳郡海鹽取卒月值賃作半路亭父以養母時馮敷為督

郵知其賢下車入亭請與飲食脫衣與之餉錢不受舉有道高第為侍中順帝陽嘉二年以大鴻臚代龐參為太尉舊注後漢書順帝紀

按紀文惟有以大鴻臚為太尉事餘俱不載

齊劉瓛字子珪沛郡相人晉丹陽尹惔六世孫也祖宏之給事

中父惠臨賀太守齊書云治書御史瓛篤志好學博通訓義宋時舉秀

才兄璉已有名先應州舉除奉朝請不就與弟璉兄弟三人共

處蓬室習業不廢丹陽尹袁粲聞而詣之指廳事前古柳樹曰

人謂此是劉尹所樹每想高風今復見卿清德可謂不衰矣袁

粲死節瓛微服往哭高帝踐阼召問政道答曰政在孝經帝咨

嗟曰儒者之言可寶萬世欲以國子博士用不拜後以母老闕

養拜彭城郡丞當世推為大儒以比古之曹鄭瓛有至性祖母

病疽經年手持膏藥漬指為爛母孔氏謂親戚曰阿稱便是今

之曾子稱瓛小字也卒後梁天監元年詔為瓛立碑諡曰貞簡

先生南史本傳

劉璉字子璈瓛之弟也方軌正直儒雅不及瓛而文采過之建

元初為武陵王冠軍征虜參軍王與僚佐飲自割鴛鴦璉曰膳

夫之事殿下親執鸞刀下官未敢安席因起請退璉夜隔壁呼

璉下牀著衣立然後應瓛怪其久答曰向東帶未竟其立操如

此文惠太子召璉入侍東宮尋署射聲校尉南史劉瓛傳

唐裴懷貞壽春人少與滁州邢文偉和州高子貢俱以博學知

名於江淮間舊唐書邢文偉傳

元周楨字子幹安豐下蔡人操行端簡經史淹通以儒業任安

豐路判官歸老手不釋卷江南通志

明石璟字廷用臨淮人成化辛卯舉人見聞該博學有淵源江南通志

通志

鄭斐字非文壽州人理學湛深里中無長幼咸稱鄭先生訂正喪禮一編尤為簡要

江南通志

國朝張介字受之壽州歲貢篤志聖賢之學司訓潛山士風丕變

江南通志

陳赤字懷丹壽州人事親盡孝力學篤行所著有周易解及詩

文集

江南通志

許倓字敬菴懷遠歲貢富文史尤嗜近思錄非學道之士相對不作一言有所論難風發泉涌弟佑字啟人歲貢方苞嘗見其文甚稱賞之閉戶潛修時語人曰吾家白雲先生不教人科舉之文謂是義理所由辨吾謂科舉文亦有義利之分如金正希文自是成仁取義者所為項水心文艾千子謂是敗壞心術之

作是也兄弟皆有古儒者風

懷遠縣志以上舊志

呂緝熙字敬甫壽州廩生通諸子百家繼悟正學潛心義理著有求志編國語存液諸子述醇述孟子程子晰疑大學約旨讀

四書集注同治年祀鄉賢

壽州志以下新修

王存廉字范泉宿州廩生潛心濂洛關閩之書說經尤精於易著有易筮數十卷內行敦篤處骨肉之艱彌形友愛鄉黨稱之

宿州志

潁州府

漢桓寬字次公汝南人治公羊春秋宣帝時舉為郎至廬江太守丞博通善屬文推衍鹽鐵之議增廣條目極其論難著鹽鐵

論十卷亦欲以究治亂成一家之法焉

漢書傳贊及師古注

張酺字孟侯汝南細陽人少從祖父充受尚書能傳其業充與

光武同門學光武即位求充克已死永平九年顯宗為四姓小
侯開學於南宮置五經師酺以尚書教授數講於御前論難當
意除為郎賜車馬衣裳令入授皇太子以嚴見憚肅宗即位擢
為郎中出為東郡太守元和二年東巡狩幸東郡引酺及門生
掾史會庭中帝先備弟子之儀使酺講尚書一篇然後修君臣
之禮和帝初遷魏郡太守永元五年遷太僕數月為太尉以事
策免復拜為光祿勳為司徒月餘薨乘輿縞素臨弔賜冢塋地
曾孫濟字元江好儒學光和中至司空卒贈關內侯封其子根
為蔡陽鄉侯濟弟喜初平中為司空後漢書本傳
戴憑字次仲汝南平輿人習京氏易年十六郡舉明經徵試博
士拜郎中公卿大會羣臣皆就席憑獨立光武問之對曰博士
說經皆不如臣而坐居臣上帝召上殿與諸儒難說帝善之拜

侍中後兼領虎賁中郎將正旦朝賀百僚畢會帝令說經更相

難詰義有不通輒奪其席以益通者憑遂重坐五十餘席故京

師為之語曰說經不窮戴侍中後漢書本傳

廖扶字文起汝南平輿人習韓詩歐陽尚書教授常數百人州

郡公府辟召皆不應最明天文讖緯風角推步之術逆知歲荒

聚穀數千斛悉給宗族姻親又斂葬遭疫死亡不能自收者常

居先人家側不入城市人稱北郭先生卒年八十二子孟舉偉

舉並知名後漢書本傳

唐李敬元亳州譙人該覽羣籍尤善於禮高宗在東宮馬周薦

其才召入崇賢館侍讀假中祕書讀之咸亨二年歷官至同中

書門下三品監修國史進吏部尚書儀鳳元年拜中書令封趙

國公以戰湟川為吐蕃所敗貶官卒於揚州長史任所贈兗州

重刊多後通志 卷三百三十一
都督諡曰文憲撰次禮論及他書數十百篇子思冲官羽林將軍從節愍太子誅武三思見殺次子守一爲郟令敬元弟元素爲武德令刺史李文暉爲調民黃金造常滿尊以獻元素固爭以私財助民延載初官至同鳳閣鸞臺平章事爲武懿宗構死

唐書本傳

宋尹拙潁州汝陰人梁貞明五年舉三史後唐長興中召爲著作佐郎歷官兼御史大夫檢校虞部郎中晉天福中與張昭李琦同修唐史周顯德閒拜檢校右散騎常侍國子祭酒通判太常禮院事與張昭同修唐史及周祖實錄又與昭及田敏詳定經典釋文世宗北征命翰林學士爲文祭白馬祠不知所出訪於拙歷舉郡國祀白馬者以十數時服其博入宋改檢校工部尚書遷祕監判大理寺以本官致仕子季通國子博士

宋史本傳

明薛蕙字君采亳州人正德甲戌進士授刑部主事諫武宗南巡受廷杖引疾歸起故官改吏部歷考功郎中大禮議起蕙撰爲人後解爲人後辨合數萬言上於朝帝大怒下鎮撫司考訊已貫出之會亳州知州顏木得罪給事中陳洸外轉疑由蕙乃誣蕙與木同年相關通疑有奸利詔解任聽勘蕙遂南歸旣而事白吏部促蕙起蕙以璵萼方用事堅不肯出學者稱爲西原先生所著約言西原集解太甯齋目錄五經雜錄考功集

明史本傳

江南通志

盧翰字子羽潁州人嘉靖甲午舉人博極羣書研覈精當自成一子父卒廬墓三年服闋任兗州府推官雪冤獄署滕邑廉得巨盜出沒蹤跡盡擒之又署曹邑抗檄發賑全活萬人齊魯士受業門下者數百人告歸閉戶著書尤精於易

聖祖仁皇帝御纂周易折衷曾採其說汝穎淮泗之間有學行者多出

其門著有周易中說四十四卷

江南通志 穎州府志

李梓字必恭蒙城人五世同居為諸生研思孔孟豁然有悟著書數萬言無所不包而冠以太極一貫之旨使學者由博反約與弟武安合朴同心考證無閒寒暑子惟一官婺源訓導能世

其學闡而修之刊書行世

江南通志 穎州府志

國朝劉體仁字公猷穎州人順治乙未進士授刑部主事於疑獄多所平反遷吏部考功郎中時輦下詞人畢集體仁頡頏其間眾皆推讓請假歸不復出藏書數萬卷日手一編過目成誦至性過人嘗閒關數千里措二千金贖族叔妻子之沒官者喜賓客急友朋世多以豪傑自之及至其家孝友睦婣恂恂庸行中人也所著有七頌堂集穎紀識小錄諸書

江南通志 穎州府志

劉倚蕃字心室穎州廩生銳意於詩古文辭尤精於史上下今古論斷皆有卓識與壽春鄧元昭善元昭居史館欲汲引之謝不顧卒年八十八所著有鑑斷十二卷續同書四卷菴詩文集

合集二十卷

穎州府志

甯世魁字敬仲穎州增廣生嗜古文辭尤崇正學所著有周禮注六卷儀禮注十七卷禮記類編二十卷左傳詳釋十卷宋元

詩集注四卷

穎州府志

連斗山字叔度穎州人著有周易辨畫四十卷其說專主卦畫立義逐卦詳列互體剖析微妙頗有合於精理末有輯圖一卷則即朱子舊圖而稍損益之

四庫全書提要 以上舊志

樂容字德輝太和諸生以主敬為學以小學為教輯敬學淵源錄發明整飭身心世道之意咸豐初土寇起愧見之相戒不入

其里 太和縣志

新修

滁州

唐邢文偉全椒人以博學聞咸亨中歷太子典膳丞時孝敬在東宮罕見宮臣文偉輒減膳上疏孝敬優答之由是知名後右史缺高宗謂侍臣曰文偉切諫吾兒此直臣也遂授之武后時

遷鳳閣侍郎至內史後坐善宗秦客貶珍州 舊唐書本傳

明樂韶鳳字聖儀全椒人博學能文章謁太祖於和陽從渡江參軍事洪武初授起居注歷兵部尚書定教練軍士法改侍講學士與詹同釐正釋奠樂章又撰祭祀駕還樂曲神降祥神祝惠等三十七章曰回鑾樂歌皆寓規諫帝以舊韻出江左命與廷臣參考中原雅音正之書成名洪武正韻又考訂陵寢朔望祭祀諸禮儀詳稽故實俱從之尋病免復起為祭酒致仕歸以

壽終弟暉禮毅皆知名暉開封知府禮太常卿毅諸暨同知 統

志明

朱勛字汝德滁州人受業於王守仁涵養沈邃以貢授安福訓

導掌白鹿洞事歷泉州府教授致仕歸當事者皆式其廬所著有遜泉集同州田鼇字蒙泉亦守仁弟子官汝甯府教授著有

倦吟集 滁州志

郝孔昭字起潛來安人隆慶辛未進士知常山縣以治里豪徐姓者不法事受中傷歸著有四書詩經講義式蒙初稿論草策

殼諸書 萬姓統譜江南通志

王化振字宇春滁州人萬歷己酉舉人官至戶部主事周汝登之門人也汝登傳王氏之學化振師事之故所得於姚江者深著有諸儒要語九卷 四庫全書存目以上舊志

和州

唐高子貢歷陽人弱冠游太學徧涉六經尤精史記舉明經歷
 祕書正字宏文館直學士鬱鬱不得志棄官歸徐敬業兵起以
 五千人徧和州子貢率鄉曲數百人拒之以功授朝散大夫拜
 成均助教東莞公融曾為和州刺史從子貢受業及為申州謀
 起兵匡復令黃公譏見子貢推為謀主謀泄坐死唐書邢文偉傳
 何蕃和州人事父母孝學於太學歲一歸父母不許閒二歲乃
 歸復不許凡五歲慨然以親且老揖諸生去乃其閉蕃空舍中
 眾其狀蕃義行白國子司業陽城請畱會城出為道州刺史蕃
 率太學諸生二百人頓首闕下請畱城數日不得上柳宗元聞
 之嘉其行誼遺之書初朱泚反諸生將從亂蕃正色叱之故六
 館之士無受污者韓昌黎為之傳曰蕃純孝仁勇人也蕃居太

學二十年有死喪無歸者皆身為治喪

唐書陽城傳

宋錢藻字莘老武肅王鏐之五世孫也曾祖儼昭化軍節度使
 守和州卒詔葬和州子孫因家焉藻應說書進士賢良方正直
 言極諫皆中選文辭閑放雋偉名動一時歷官翰林侍讀學士
 初為旌德尉又通判秀州知婺州鄞州皆治最為祕閣校理屬
 英宗之初慈聖光獻皇后聽政三上書請還政天子後封仁和
 縣開國伯賜金紫卒於位藻少學於胡瑗瑗門弟子首藻云曾南

豐集墓誌銘

明王元吉字德修和州人以貢歷官復州衛教授居官先志節
 後文藝家居杜門著述自娛少師周怡耿定向以躬行聖學為
 己任仁義道德為根本性孝友侍父疾顛天嘗糞疾果得愈至
 如還遺金焚借券等事不可勝舉人稱竹岡先生所著有克復

重修安微通志 卷三十三
錄心鑑行世

江南舊志

成清字介甫和州人以貢歷仁和教諭研究理學訓士有法著道學淵源集人稱初水先生又含山汪沛以副榜授貢溪訓導

崇尙理學以博洽稱

江南通志

蔣清字源潔舍山人正德閒以貢知密雲縣絕苞苴伸冤獄以忤中貴解任百姓如失父母改江西都司斷事能決疑滯致仕歸平生勤學博考天文地理皆領其略尤通樂律嘗謂古今樂書或失之駭失之簡失之繁允欲訂正爲一編以提其要又謂近思錄乃聖學淵源欲爲注釋以發明之惜未幾卒稿散佚不傳

和州志以上舊志

廣德州

宋查深字道源廣德人隱居力學治平閒郡守錢公輔疏其行

誼薦於朝力辭不赴乃爲築堂於城西玉溪之上名曰清容延教郡人子弟循循善誘儒風日振學者稱清容先生有文集二

十卷

南畿志萬姓統譜

明錢用壬字成夫廣德人元南榜進士第一授翰林編修使張士誠爲所畱太祖下淮陽來歸累官御史臺經歷預定律令尋與陶安等博議郊廟社稷諸儀其議釋奠每歲仲春仲秋上丁以丞相初獻翰林學士亞獻國子祭酒終獻上從之又論來春舉行藉田用壬言漢以藉田之日祀先農由晉至唐宋相沿不廢今議耕藉之日皇帝躬祀先農禮畢躬耕藉田以仲春擇日行事從之拜禮部尙書告歸

明史陶安傳兼採禮志

謝士貞字彥貞建平人永樂中以明經任本學訓導循循善誘

邑人知學皆其教也年九十卒

江南通志

濮陽涑字真菴廣德人嘉靖丁酉舉人公車時值楊繼盛以忠諫死涑素服往哭幾被禍通判南昌平花園積寇獲豐城劫盜積穀備賑全活者眾致仕歸學宗伊洛所著有四書禮記貞義韻學大成圖書性理訂疑

江南通志
廣德州志

夏思字睿甫廣德人少苦學隆慶庚午舉人王錫爵奇其文延為子衡師官瑞昌教諭遷禮部司務以請建儲忤旨歸著有約言編還初錄

江南通志

王維謨字正甫廣德人家貧篤學從鄒守益講貫學者稱心絃先生年八十五著有禮經主意

廣德州志

國朝雲中官字軒臣廣德人康熙癸未進士性本恬淡不樂仕進時有欲援之人庶常者力辭南歸後補中書舍人亦不就嘗授經他省歲暮歸主人強納金於行笥要以明年復往不果欲還

其金無便臨歿出金屬其子必寄之封識如故已六年矣子輝

萼亦博學能文著有古文從吾錄古詩鼎選早卒

江南通志
廣德州志

以上
舊志

六安州

晉杜夷字行齊廬江潯人世以儒學稱為郡著姓夷少淡泊操尚貞素博覽經籍百家之書算儀圖緯靡不畢究惠帝時三察孝廉州命別駕永嘉初徵拜博士並不就刺史王敦舉夷賢良方正迫之赴洛遜於壽陽尋寇亂渡江元帝特立儒林祭酒官以夷為之又除國子祭酒皇太子三至夷第執經問義明帝即位自表請退卒贈大鴻臚諡曰貞子遺命子晏以角巾素衣斂所著幽求子二十篇行於世晏仕至蒼梧太守夷兄弟三人兄崧字行高亦有志節惠帝時俗多浮偽著任子春秋以刺之弟

援高平相援子潛右衛將軍

晉書本傳

梁何佟之字士威廬江瀟人晉豫州刺史暉六世孫祖邵之宋員外散騎常侍父歆齊奉朝請佟之少好三禮師心獨學強力專精手不輟卷仕齊為國子助教為諸王講喪服結草為經屈手巾為冠都下稱醕儒有至性父母亡後常設一屋晦朔拜伏流涕者二十餘年東昏即位謝病不出梁武帝踐阼以為尚書左丞時百度草創佟之依禮定議多所裨益卒於官故事左丞無贈官者帝特詔贈黃門侍郎儒者榮之所著文章禮儀百許

篇南史本傳

陳何之元廬江瀟人幼好學有才思居喪過禮為梁司空袁昂所重天監末表薦之累除信義令王琳立蕭莊署為中書侍郎令赴弔於齊至壽春而王琳敗齊以為揚州別駕陳始興王叔

陵以書招之遂至湘州為諮議參軍叔陵得罪之元乃屏絕人

事銳精著述起齊永元迄於王琳之敗為梁典三十卷分為六

意又以魏事有相涉者以魏未分前為北魏既分後為東魏西

魏頗有凡例陳亡乃移居常州晉陵縣隋開皇時卒

陳書本傳

明潘子嘉號汝亨六安選貢從湛若水講學性孝友待異母弟

推財讓產隱居青山所著有太極圖解西銘定性解惺菴記心

性圖存心盡性圖說年三十卒若水以文奠而哭之

六安州志

國朝黃卷字石渠六安廩貢性耿介不欺暗室嘗語學者曰慎獨

二字聖賢真命脈我生平得力在此所批有左氏春秋史記及

南華經淡於仕進惟以此數書自娛卒年八十二

六安州志

鄧日政字在虞霍山人乾隆閒貢生少穎敏讀書十行並下中

年偶墮階傷足遂絕意進取閉戶著書二十餘年經緯史恥

為風雲月露之詞沈浸宋五子書而掇其精粹著有周易精義
十二卷四書集粹八十四卷大事類紀綱目百八十卷彝敘錄
三百卷昭明文選集解五十卷稿藏數櫃其子舉人之駿守之
六安州志
以上舊志

泗州

宋李榘招信人官國子博士著易說江南通志

國朝李沛霖字岱雲盱眙人留心理學著有朱子異同條辨四
書輯要釋義經注合參學者宗之弟兆恆與兄同纂刻不倦盱眙志

縣志

郜坦字克寬五河貢生志行端方通經汲古著有春秋集古傳
注二十六卷五河縣志
以上舊志

王效成字子頤盱眙貢生母喪廬墓遂經術善周易毛詩研貫

漢宋諸儒之說教人以訓詁為始謂解經不如研經經愈研則
精義愈出縣人知治經史者性理實自效成發之著有伊蒿室

集盱眙縣志
新修

